







古文冰雪携

名家小品

傳紀文詞歌疏頌偈

黃山人小傳

朱國禎

醉叟傳

袁宏道

一瓢道士傳

袁中道

8

鬼母傳

李清

甘隼傳

文德翼

故琴心傳

曹宗璠

阿顛傳

黎遂球



舟人傳

張光緯

8

易曦侯傳  
萬孝子傳

陳弘緒

斷園先生傳

華淑

○

腐侯傳

楊文驄

紀夢

李應昇

紀遊

陳仁錫

拔劍紀

傅汝舟

蕉幃十寢紀

傅汝舟

紀蘭

金倬明



太華游紀

朱鷺

洞庭游紀

吳承科

弔岳武穆文

吳從先

○○ 告梓潼文

楊廷樞

○ 却巧文

張鼎

闕坐關文

夏樹芳

罵螭文

曹宗璠

驅松鼯文

董廣

訕蜂文

徐孚遠



彈炎州刺史文

葉襄

祭桃影文

俞琬綸

哭楊維節文

管正傳

自狀文

楊廷楨

自祭文

華淑

祭湘夫人文

徐媛

閨媛

中秋酌月詞

梁雲構

花神泣風詞

黃元會

哀烈士詞

黃淳耀



祝織女詞

楊徹閨媛

宣廟寘漆器歌

金聲

募結淨廬疏

韓敬

募裝佛疏

倪元璐

募建觀音閣疏

陳弘緒

炒荳及腐頌

鄭以偉

○寒夜擁爐瓶梅下火偈

范允臨







古文小品冰雪携

吳下 懶僂衛泳 箋

黃山人小傳

朱國楨

蘇州黃勉之省曾風流儒雅卓越罕羣嘉靖十七年當試春官適田汝成過吳門與談西湖之勝便輟裝不果北上來遊西湖盤桓累月勉之自號五岳山人其自稱於人亦曰山人田嘗戲之曰子誠山人也癖耽山水不顧功名可謂山與瘦骨輕軀乘危涉險不煩筇策上下如飛可



謂山足。目擊清輝。便覺醉飽。飯纔一溢。飲可曠  
旬。可爲山腹談說形勝。窮狀奧妙。含腴咀雋。歌  
詠隨之。若易牙調味。口欲流涎。可謂山舌。解意  
蒼頭追隨不倦。搜奇剔隱以報主人。可謂山僕。  
備此五者而謂之山人。不亦宜乎。坐客爲之大  
笑。此雖戲言。然人於五者無一庶幾焉。而漫曰  
游山必非真賞。

懶仙云。余輩爲家室累。何能脫塵網而游。溪  
谷。如人着敗絮行荆棘中。步步牽纏。何得漫



驕語曰余山人也○惟五者備方許入山平涵  
先生特爲拈出○







醉叟傳

袁宏道

醉叟者不知何地人亦不言其姓字以其常醉呼曰醉叟歲一遊荆澧間冠七梁冠衣繡衣高權濶輔修髯便腹望之如悍將軍年可五十餘無伴侶弟子手提一黃竹籃盡日酣沉白晝如寐百步之外槽風逆鼻徧巷陌索酒頃刻飲十餘家醉態如初不穀食唯啖蜈蚣蜘蛛癩蝦蟆及一切蟲蟻之類市兒驚駭爭握諸毒以供一遊行時隨而觀者常百餘人人有侮之者漫作



數語多中其陰事其人駭而反走。籃中嘗畜乾蜈蚣數十條。問之則曰：天寒酒可得此物不可得也。伯修予告時初聞以爲傳言者。過召而飲之。童子覓毒蟲十餘種進。皆生噉之。諸小蟲浸漬杯中。如雞在醢。與酒俱盡。蜈蚣長五六寸者。夾以柏葉去其鉗。生置口中。赤爪惺惺屈伸唇髭間。見者肌栗。叟方得意大嚼。如食熊白豚乳也。問諸味孰佳。叟曰：蝎味大佳。惜南中不可得。蜈蚣次之。蜘蛛小者勝。獨蟻不可多食。多食則



悶問食之有何益曰無益直戲耳後與余往來  
漸熟每來踞坐砌間呼酒痛飲或以客禮禮之  
卽不樂信口浪談事多怪誕每數十語必有一  
二語入微者詰之不荅再詰之卽佯以他辭對  
一日偕諸舅出遊談及金焦之勝道值叟二舅  
言某年曾登金山叟笑曰得非某叅戎置酒某  
幕客相從乎二舅驚愕詰其故不荅後有人竊  
窺其籃見有若告身者或云曾爲彼中萬戶理  
亦有之叟踪跡怪異居止無所晚宿古廟或園



闔簷下口中常提萬法歸一。一歸何處。凡行住坐眠。及對談之時。皆呼此二語。有詢其故者。叟終不對。往余赴部時。猶見之沙市。今不知在何所矣。

石公曰。余於市肆間。每見異人。恨不得其踪跡。因嘆山林巖壑。異人之所窟宅。見於市肆者。十一耳。至於史冊所記。稗官所書。又不過市肆之十一。其人既無自見之心。所與遊。又皆屠沽市販。遊僧乞食之輩。賢士大夫知而傳之者。幾何。



往聞澧州有冠仙姑及一瓢道人近日武漢之間有數人行事亦怪有一人類知道者噫豈所謂龍德而隱者哉

懶仙云丹陽子學道一貴清其心源二貴淨其氣海心源清則外物不能撓性定而神明氣海淨則邪欲不能作精全而腹實若叟者脫棄禮法嗜毒若飴殆得金於天真者與若畢卓右手執酒杯左手持蟹螯拍浮酒池中終是吏部郎豪醉態



此山在西湖之西，其山勢峻拔，  
林木森然，其間有古剎，名曰  
淨慈寺，其地幽邃，風景宜人。



此山在西湖之西，其山勢峻拔，  
林木森然，其間有古剎，名曰  
淨慈寺，其地幽邃，風景宜人。



一瓢道人傳

袁中道

一瓢道人不知其名姓。嘗持一瓢浪遊鄂岳間。人遂呼爲一瓢道人。道人化於澧州。澧之人漸有得其踪跡者。語予云。道人少讀書。不得志。棄去。走海上。從軍。時倭寇方盛。道人拳勇。非常從。小校得功。至裨將。後失律。畏誅。匿於羣盜。出沒吳楚間。久乃厭之。以貲市歌舞妓十餘人。賣酒淮揚間。所得市門資。悉以自奉。諸妓更代侍之。無日不擁豔冶。食酒肉。聽絲竹。飲食供侍。擬於



王者又十餘年。心復厭之。亡去。乞食湖湘間。後至澧。澧人初不識。既久。出語顛狂多奇。中發藥有効。又爲人畫牛。信口作詩。有異語。人漸敬之。饋好衣服飲食。皆受而棄之。人以此多延款道人。道人棲古廟中。一日於爐灰裏取金一挺。付祝云。爲我召僧來。禮懺懺畢。買一棺自坐其中。不覆。令十餘人移至城市上。手作拱揖狀。大呼曰。年來甚擾諸公。貧道別矣。雖小巷間無不周遍。一市大驚。復還至廟中。乃仰臥。命衆人曰。可。



覆我衆人不敢覆視之已去矣遂覆而埋之舉  
之甚輕不類有人者予聞而大異焉人又問曰  
審有道者不宜淫且盜淫且盜者又不宜脫然  
生歟予大有疑以問子予曰予與汝皆人也烏  
能知之夫濟顛之酒也三車之肉也鎖骨之淫  
也寒山拾德之垢也皆非天眼莫能知也古之  
諸佛固有隱於猪狗中者况人類乎子與予何  
足以知之哉

萊園云空蒙寂歷烟雨滅沒道人在焉呼之



或出。

曇隱云、道人于去來之際、飄然如委脫、視唐  
山人之詩、飄猶覺名心未除。



鬼母傳

李清

鬼母者某賈人妻也。同賈人客某所。既姪暴殞。以長路迢迢。暫瘞隙地。未迎歸。適肆有鬻餅者。每聞鷄起。卽見一婦人把錢俟。輕步纖音。意態皇皇。蓋無日不與星月伴者。店人問故。婦人愴然曰。吾夫去身單。又無乳。每饑兒啼。夜輒中心。如刺。母子恩深。故不避行露。急持啖兒耳。店人初聆言。亦不甚疑。但晝投錢於筭。暮必獲灰錢一疑焉。或曰。是鬼物無疑。夫紙焚於火者。入水



必浮其體輕也。明旦盍取所持錢，悉面投水甕。伺其浮者，物色之。無遁穴矣。店人如言。獨婦錢浮耳。怪而踪跡其後。飄飄颺颺，迅若飛鳥。何步風幾難覓形，而奔月僅可追影也。仙乎？鬼乎？忽近小塚數十步，奄然沒。店人毛髮森豎，喘不續吁。亟走鳴之官。啓樞視衣骨燼矣。獨兒生兒初見人時，猶手持餅啖了，無怖畏。及觀者蜩集，語嘈嘈然，方驚啼。或左顧作投懷狀，或右顧作攀衣勢。蓋猶認歿母爲生母，而呱呱若覓所依也。



傷哉兒乎人苦別生兒苦別歿官憐亟覓乳母  
飼馳召其父父到撫兒哭曰似而母是夜兒夢  
中趯趯呶呶不成寐若有人焉嗚嗚抱持者明  
旦視兒衣半濡宛然未燥訣痕也父傷感不已  
攜兒歸後兒長貿易江湖間言笑飲食與恆人  
不異惟性輕跳能于平地躍起若凌虛然說者  
猶謂得幽氣云兒孝或訊幽產始末則走號曠  
野目盡腫  
外史氏曰予聞所傳鬼母事竊傷是婦形可銷



骨○可○燼○而○愛○子○一○心○獨○不○灰○聞○鷄○市○餅○意○態○皇  
皇○讀○中○心○如○剗○一○語○何○恩○深○也○况○爲○人○生○母○者○  
其○咽○苦○吐○甘○又○何○如○劬○勞○乎○念○之○哉○君○子○謂○讀  
是○傳○也○可○以○教○孝○

懶仙云寶積經載鬼子母兒暴殺人子自噉  
雖生有萬子而不捨一子嬪迦羅爲佛盛着  
鉢底亦甘受持三歸五戒誓永不殺世人子  
無論佛性鬼性度人自度摠屬至情感觸若  
茲之幽明不隔子母牽懷描寫逼真凡有血



性者能不爲之心動。

曇隱云。彭虎子不信鬼。母歿。俗巫誡之云。某  
日煞還。重有所殺。宜避。合家悉出。虎子獨留。  
夜中鬼排門覓人。遑遽入甕中。以板蓋頭。覺  
母在板上。有人問板下無人耶。母云無。相率  
而去。母歿爲鬼。猶愛其子。與賈人妻同是心  
也。子生而爲人。獨無劬勞之念耶。



卷之二十一  
一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百



甘蕉傳

文德翼

甘蕉南越人。隱居鬱林郡。爲人神姿高徹。不關山水。自如瑤林瓊樹。云性侈服飾。衣冠甚偉。性與人反。春夏每裘袍重疊。秋冬輒散髮裸袒。庇其宇下。使人忘寒暑矣。少好道術。致精三年。頂發青華。色如芙蓉。每華一闔。各有六子。有越人異之。見其頂華有類羊角。號爲羊角先生。方是時。天子好神仙。起柏梁臺。作承露盤。高二十丈。鑄仙人掌以承之。聞甘蕉名。適南越相嘉作亂。



天子以其舊故欲致之無因乃命伐南越時元  
鼎六年也下令軍中曰去鬱林其舊宅三里不  
得侵暴違者如律南越既克蕉不至伏波將軍  
怒曰今年破賊正爲奴豈可逸之命力士縛以  
至傳詣長安天子詔釋其縛見于扶荔宮望見  
蕭散森疎翩翩佳士復聞頂上華請曰朕不德  
撫有萬國慕道微忱生歎以之上帝憫朕之勤  
以卿賜朕願聞何修而致斯寶頂蕉曰陛下肉  
多精少法不當仙且陛下之好仙者何等也臣

聞德及天下。則甘露降。醴泉出。臣立三年。無眚  
無聽。無飢。無渴。零露瀼瀼。黠化荒忽。今陛下聲  
色不離于左。飲食不徹于右。豈有得哉。願陛下  
寢斯妄念。日討經術之士而訓之。以飾太平足  
矣。微臣亦可寬。文成五利之誅。天子不憚罷就  
第。明日詔賜縑十端。曰狂生也。他日再詔對扶  
荔。又曰管者之言。朕經十思。肯哉卿有經術。朕  
當特簡。蕉曰天下有經術者。丞相弘江都相仲  
舒。臣不及也。雖狀臣少藏詩。今忘之矣。臣初過



鄭○鄭○人有薪于野者○遇駭鹿○御而擊斃之○恐人  
見之也○遽而藏之隍中○臣解衣以覆○不勝其喜○  
俄而遺其所藏之處○臣今于詩○亦俄而遺其所  
藏之處矣○何足以副明旨○乃授以上林令○載馳  
赴治蓬蒿滿宅○歎曰○何異清山空寂○吾自把臂  
入焉○居官無事○迎窗微嘯○風韻清疎○自象形制  
一琴盛服○彈之以無累之形○合有道之器○撫琴  
動操○欲令泉林皆響○天子方欲召還○廷臣毀之  
曰○此人肘無風骨○衿抱雖虛○何不尋遠志之友○

于東山而強知人國家事乃止。蕉聞之曰。其蕉  
越國男子。便當拂衣去矣。于是遊行天下。所在  
輒長子孫。蕉猶不老。其子孫至今天下蕃息。  
褚先生曰。南粵有九郡。鬱林其一焉。或謂蕉入  
中國。有兄弟二人。不可得而詳矣。帝召于宮。隱  
其所學。以經術對。豈以帝不足言乎。抑嘉與名  
教。也不能大用。卒以毀去。惜哉。

曇隱云。蕉名動人主。而不能曲學阿世。落落  
寡合。卒中讒口。傷哉。惟當逍遙綠天庵。以懷





故琴心

曹宗璠

卓文君故夫或曰程鄭子名臯○後有枚臯為應奇或曰巴寡婦清

之子名臯○甚以鑄冶成業富埒卓氏臯弱冠娶文

君披織羅垂霧縠羽翠葳蕤明珠的皪定情之

夕嬌啼宛轉倩粧在臂香薄微聞綵如也臯與

司馬相如善相如口嚙而辭賦靡麗臯齒若編

貝口若懸河日誦萬餘言而尚書給筆札則自

為不及相如也兩人師事張禹禹好奢侈後堂

列絲竹管絃兩人與戴崇俱得至後堂宴麗人



揚清角舞折盤相如輒含喜微笑竊視流盼臯  
精爽無異出相如問之臯曰物各有極尤者移  
人內子睂色如遠山臉際若芙蓉彼姝者子幽  
蘭之棘枳也吾侍兒澹服微睇猶羞與爲伍于  
是知文君之姣好也文君弄琴富文藻每與臯  
分事顗徵故實以多寡爲賞罰皆奇繒物一日  
臯自嘆曰惟司馬相如能助予每奏賦令我飄  
飄然有凌雲之志文君放誕心憐才遂慕之私  
語侍者曰司馬相如可一見乎已而臯有消渴

之心先有相如

相如之心

文君

疾痛朝曦之促節。惻白璧之分珪。作黑頭吟。其  
辭曰。遠別必掩袂。長歸寧不啼。已知身是客。素  
手猶相攜。解一沒若雲中星。散若水上萍。恩愛一  
時盡。猶能見形聲。形聲從何來。羅幃燈熒熒。解二  
髮綠草已青。顏紅淚亦紫。但得覓相憐。何必要  
以歿。解三合歡何勞勞。訣別何草草。旦暮不相知。  
百年安能保。解四且曰。我歿寄生于吳枚氏子。仍  
名臯。後十五年。與汝相見于茂陵。不吾避也。遂  
以卓氏僮百人。錢百萬。嫁時衣被財物。還文君。



文君泣目盡腫。作誄哀之辭曰。良人本豪族。艷藻何翩翩。作賦羞鴛枕。催粧落碧鈿。何期結髮意。入門遽棄捐。殺身良不易。投血亦空煎。佇竚靈之至。夢中訴纏綿。喪畢遂歸王孫家。而司馬相如適從梁倦遊歸。相如爲梁上客。孝王選國中民家有女者。以待遊士。而妻之。屢欲妻相如。相如心慕文君。必得蛾眉如卓氏。故不屑也。及聞文君新寡。好音。遂與臨邛令赴王孫。召以琴心挑之。侍者監牛酒。賜相如車騎。相如因厚遺。

通殷勤侍者語文君曰求鳳者相如也竊從戶  
窺心悅夜亡奔相如初臯欲作上林賦已屬藁  
○波○瀾○奇○合○半旣心不樂曰子虛虛言也烏有先生者烏有  
此事也亡是公者亡是人也空華無蒂鏡藥難  
攀殆不祥焚之文君語相如相如曰庸何傷南  
箕翁舌織女七襄比興之流耳卒成賦而相如  
年亦不長相如奏賦爲郎攜文君居茂陵時吳  
郡枚乘薈子臯亦待詔金馬門頗省憶前身事  
見相如文遲欲以速駕之然拙卒工不如天子



以優俳畜之不貴重用事也。相如病消渴。歿。枚  
皐以鬼事見文君。文君業失身。相如不願見也。  
垂簾爲鼓琴一曲。曰。故夫雖有言。幽明路隔。愧  
不同衾。得同穴足矣。文君再寡。猶在盛顏。居頃  
家。僮多竊貲逃。文君作誄哀相如。鬱鬱不得志。  
歿。枚皐送其喪。還臨邛。與故夫合葬焉。而相如  
娶茂陵女爲文君。白頭吟嫁他人婦者。適夫亡。  
寡居。遂守相如塚。云。太史氏曰。世藉口文君失  
身。以憐才。故夫獨非才哉。當壚未雪舊耻。病渴

已索遺書文君能無故夫之悔乎○余以愧夫變  
節事人者而挑故琴之心焉○

贊曰羅敷有夫文藻琅玕○設也妓童怨不勝彈  
嗟乎文君雙偶蓀蘭琴心方協哀誅再嘆爲歡  
幾何○帳冷燈殘月照秦蜀香魂兩寒○

曇隱云種種奇緣○當日果有事耶○瞞天造謠  
是絕妙小說○





阿顛傳

黎遂球

端之白雲山其頂有湖故訛爲鼎湖湖與山相  
吞鬱爲氣故其出雲蒸動深斜人入其中者如  
虱入人破襖綿絮間甚至對面不可相見山故  
蒔茶在絕壁歲不過得一石許價可至百金烹  
之作素馨花氣人多喜之不能恆得僧恃茶爲  
給○聚居其上○頗有田可畊○與人烟隔絕不能行  
乞也○阿顛者不知其所從來○投居僧寺時爲之  
采茶○雖寒甚不肯衣布自編草作衫○幘織爲屨○



此其足倍長濶曳之行。或挂之杖頭壁間。或食  
或不食。時出去入雲深處。呼之多不應。與人語  
多不相解。因共呼爲阿顛。其腰間有如黑石者  
二。無事則出而就火燒之。見人來。輒從火中取  
出。收還故處。曰。燒未熟。熟可與爾共食。視其膳  
蓆。則當中處有雙手掌痕。中夜聽之。喃喃不知  
何爲。山故多虎。一日。啞二牛去。僧戲謂爾可爲  
尋之。顛忽編艸爲索。曰。請繫之。至旣薄暮。望之  
不見。還返。照射入峻坂上。雲破處。忽見其以艸

姑伎○倆

俗人惟異在此○一事不知正是麻

索環一白額虎頸虎跳躍則與之偕跳遙見人  
則益以拳鼓虎額持其耳急來人羣出觀之近  
且皆畏走疾語顛可放之或蘇蘇語謂且勿放  
於是持至寺門前引虎頸中索鞭背腹至數百  
乃聽去虎垂尾疾走若犬畏人擊狀人以此乃  
怪異之顛故如嘗遊人因聞而就之語不恒得  
見或見之語亦不相入禮之則走蓋至今在白  
雲中

嬾仙云顛耶仙耶不顛不足以爲仙耶余將



永雪攜

傳

十九

望白雲深處遙作頂禮

且昔昇去幾時。可效之。為。蘊。蘊。請。附。且。以。效。  
願。益。以。求。效。出。諸。林。其。下。悉。來。入。羣。山。勝。之。武。  
素。第。一。白。露。也。是。寧。與。罪。以。與。之。皆。淵。鑑。以。入。

舟人傳

張光緯

舟人不知何姓名。亦未悉其里居。及其所操何業。偶遇之舟。遂以舟人名。顯皇帝之末。吾郡陳泰巖者。文士也。遣僕買舟。收責遠鄉。携其侄與僕抵舟。見舟人髯如戟。目如炬。風儀偉甚。裸而刺船。泰巖心異之。至舟中。復見一十六七女郎。星眸霧髻。窄袖弓鞋。坐績船尾。依約閨中之秀。泰巖又竊竊然疑之。既放舟。鼓棹如飛。頃刻至岬。岬旁適有牛三頭。蹲水中。妨舟泊。舟人招



牧者牽之起二牛起其一猶浮沉水濱格格不  
就牽舟人乃探手掇牛後肘擲岸上岸上聚觀  
無不辟易泰巖愈疑收責畢泰巖持金數十歸  
舟語舟人曰日且西盍止諸舟人曰毋恐雖携  
數百萬緡行數百萬里可不辱命何慮此瑣瑣  
也泰巖不能強姑聽之至中流落日對山微風  
拂波舟人忽艤舟就岸依巨柳而泊泰巖恐甚  
詢泊故舟人曰風雨至矣稍頃天半霹靂水立  
雲飛舟依巨柳而蔭雨止復行卒無恙未抵郡

數里泰巖復語舟人曰前村隱隱帘出樹杪可  
沽酒乎舟人曰諾提壺去泰巖乃詢船尾女郎  
曰子何爲子何自從彼髯者行乎吾恐彼髯非  
良人且彼髯復何爲子必知之試語余女郎掩  
涕曰不然妾亦宦家之息也向從父母行三泖  
間夜遇群盜殺父母投之湖擄貲財及妾行忽  
見彼髯從暗中躍入舟手刃群盜數十人復携  
妾去妾涕泣請死彼髯者曰吾非若輩也今子  
父母旣死笑笑何依幸子仇旣殲吾當徐訪子



親屬送子歸。縱無所歸。吾更當覓倩嫁子。吾義  
弗汚子。效彼群盜爲也。妾故恐成留此言。訖淚  
如雨。泰巖又曰。舟甚窄。奈起居何。且彼髯終何  
爲。女郎曰。自妾來。彼髯恆臥篷櫓間。雖風雨無  
所苦。艤舟亦無定蹤。所往來不一。人所談者。妾  
皆不解。每痛飲輒去。夜必登高陵望星斗。還舟  
恆猝猝不樂。亦未知其何爲。語次。舟人沽酒至。  
斜睨女郎。若已知其所言而嗔之者。泰巖乃稔  
爲異人。長揖請罪。因煮酒扶坐。與語甚驩。舟人

乃曰。萍踪會遇。願贈以言。子固名士。若無嗣。若  
侄。且不得歿所。幸有子。能復其仇。無忘余言。天  
下。且亂。各自愛。余亦從此去。訊之姓氏里居。舟  
人曰。四海索索。安用此乎。竟弗言。至郡。慷慨分  
手。後卒無所遇。泰巖年且老。無子。以舟人言。不  
置妾。泰巖侄當申酉之變。非命被殺。其子某白  
其冤。舟人之言皆驗。余友亮工薛子泰巖門人  
也。爲余言。余嘆異久之。乃爲作傳。  
青巖子曰。天下將亂。廓清須人。草澤間蓋多奇



士哉。方其鬱鬱不得志之時。矯裂獨行。如舟人者。何可勝道。而舟人偶操舟得傳。後聞其海中倡義。志在匡王。固非僅以俠聞者。當遠出虬髯客上也。

懶仙云。衰亂之世。江湖間多異人。如神龍隱現。首尾莫測。若舟人者。泰巖雖深疑之。而終不得其踪。雖借次民之筆以傳。已杳兮忽兮。吾將遡廻從之。無繇兮。

易曦侯傳

陳弘緒

易道暹字曦侯黃岡人爲諸生以文章俠烈名海內博涉群書尤工舉子業嘗挾冊浮江淮渡錢塘訪求奇書異人一時賢士大夫樂從之遊里居重然諾好施予遇英少負才而名未燥者汲引獎勸甚於爲其私圖自崇禎己巳闖入大安口蹂躪畿輔殘破數郡已攻陷登萊執撫臣殞大將海內不遑寧處是時秦晉邊兵糾合饑民乘變突起流劫太行之西



當事獨慮

視此賊爲虺

食者

鼠爲疥癬

置不設

備

曦侯每蹙頰

曰此賊起時事大可寒心約其

鄉人立堡建倉日夕爲不虞之計繇是曦侯復

以經濟名楚黃之間亡何流賊犯鳳陽連破廬

江英山迫近黃岡勢甚熾

曦侯之子爲朝請移

家遠避曦侯曰吾邑素恃我無恐今先去爲望

邑必不保矣吾聞盜賊不入禮義之鄉或不至

是亦未可知其棄之也而曦侯所著四書易傳

詩徵諸書卷帙浩繁又所購求於四方瑰文秘

一

生

精神

秘

詩徵諸書卷帙浩繁又所購求於四方瑰文秘

一

生

精神

秘

秘

秘

秘

秘

秘

秘

秘

秘

冊多至汗牛。曦侯意尤惜之，不忍舍去。因貽書與其友人黃正色曰：「不聞天下亂，元道自著書卒，不去。俄而賊逼東山，距黃岡益近，爲瑚奉其母走青峰巖。曦侯不得已，亦驅其僕團奴擔書，偕幼子爲璉、楚、楚他徙。未及里許，遇賊。賊鄉導騎而執鎗者，則黃邑某姓之家僕也。素悉曦侯名，遂以語賊。賊擁曦侯，暨其子與僕，且笑且譴問汝何人。曦侯給以遠游之客。賊熟視之云：汝易曦侯是兩京十三省知名者，何欺我。」曦侯度

○賊○未○嘗○不○識○曦○侯○

書不可舍



不免。乃厲聲曰：汝等既知我，幸聽我一言。村中財物足飽汝腹，幸無殺人，無焚廬舍，賊怒。老蠻子不自畏死，尚爲村人言耶？汝遍游熟道里，肯從我共享富貴，不則立死。曦侯忿甚，大罵死賊。汝非南倭北虜，乃中國百姓，一旦爲賊殺人，無算，蓋載不容大兵，四合生磔汝肉，何富貴之有？賊刀棒亂下一，賊止之云：曷殺之？鎮市以威衆，迺械繫其子與僕於某室，遣二騎縛曦侯，徇於段家店，漏下一鼓。賊騎回稱：老蠻子已殺，當復。

殺此小蠻子。爲璉從室內痛哭。大罵。遂同日遇  
害。團奴以間隱敝棺。得免歸。報其耗。聞者皆爲  
墮淚。後有避難人。傳一披髮男子。聲啞啞。罵賊  
不絕。是易曦侯聲。音益識。團奴所言非妄。嗟乎  
曦侯之歿烈矣。如曦侯者。真能無愧於名士。吾  
於曦侯而重有感也。當已已。之變。白養粹

名士真不○易○當○

崔及第之徒。皆已儼然巍科。位至列卿。迺或獻  
妻孥。或獻城堡。覲顏爲犬。蔬不若之行。孔賊之  
難。僅一張海眉公瑤。以鄉紳抗義。闔門死難。他



皆泯泯無聞。曦侯偃蹇諸生。白首不遇。而能明  
於大節。若此。視彼食君之祿。而偷息苟免者。何  
如哉。考遜國時。漳州文學伍性原。陳應宗等六  
人。捐軀殉國。卒與方黃諸公赫赫天壤。曦侯聲  
施後世。安在不與海眉諸公竝傳。士亦貴自立。  
耳。何必科目之顯。而文學之湮沒哉。夫植名節。  
維名教者。然後廼稱之曰名士。名士猶省予特表曦侯之  
事。爲海內名士之勸。不獨大書以愧白崔之徒  
已也。讀此傳者。其亦可竦然而興起矣。

曇隱云○余嘗一晤曦侯○古心勁骨○見而欽爲  
正士○讀此想其鬚眉激烈之狀○噫○易先生未  
嘗歿也○

嬾仙云○嗟乎○伏節歿義之士○不多得之科目○  
而屢見之文學○如曦侯者○真不負名士○彼夫  
居然爲名士者○其亦知所感也夫○



而

漱山云。劉平。身。前。及。美。之。士。不。交。好。之。持。日。

嘗。及。也。

五。士。前。此。味。其。深。除。難。賢。之。無。意。是。武。主。未。

是。想。云。余。嘗。一。部。難。道。古。心。傳。骨。且。而。益。然。

萬孝子傳

陳弘緒

崇禎乙亥楚豫流寇犯鳳陽震及皇陵孝子  
萬公元亨歿之總督漕運巡撫都御史以其事  
聞於朝已閱視科臣林公淮揚按臣張公覆  
覈之請得旌揚如例嗚呼孝子者鳳陽司理南  
昌萬公仲實子也當流寇從姑山永城來仲實  
有母之喪聞訃業辭上官行有日矣適因哀毀  
過甚杖不能支遂臥疾司理之案牘房忽人馬  
洶湧喧聲如沸仲實曰誰與左右曰燈市鬧時



蓋元夕云鳳陽故無城。俄而賊已及於司理之署矣。左右曰：賊賊覘之，則流寇也。司理曰：吾必以死殉國，強起披衣，然病甚，輒起輒仆。於是賊急索所爲理官。安在？孝子迺泣語父曰：吾不得復事吾父矣。急壯烈之氣忠孝兩全着青衫出，大呼曰：死賊若索官何爲我迺官也？賊遂厲色脅之。孝子大罵不絕聲。賊首怒甚，嘯命旁賊加刃。所持迺庖人食刀，刀無鏑，割不能斷脰。至數十割，孝子迺死。死惟呼阿爹阿爹。賊不知鄉音爲何，卒以爲此理官。

也○遂置仲實而去○方孝子青衫大呼其師萬思  
尹○出○視○之○賊○併○執○思○尹○將○加○刃○孝○子○復○抗○聲○曰○  
○代○父○死○復○全○師○死○烈○甚○亦○暇○甚  
若○所○欲○得○者○官○耳○何○與○渠○事○賊○亦○卒○舍○思○尹○孝  
子○不○獨○以○身○代○父○且○以○死○免○其○師○嗚○呼○烈○哉○仲  
實○爲○予○言○孝○子○遇○害○時○賊○碎○裂○其○青○衫○僅○存○一  
○悲○哉○  
袖○血○班○狼○籍○今○袖○上○縷○縷○層○疊○不○知○孰○爲○兒○之  
血○痕○孰○爲○某○之○淚○痕○矣○孝○子○名○元○亨○字○爾○嘉○小  
字○芳○生○十○歲○通○五○經○十○五○補○博○士○弟○子○員○死○之  
日○僅○年○十○有○六○齡○云○陳○子○曰○予○讀○仲○實○急○投○胎



諸詩。泫然涕下。蓋無日不望孝子之復爲其子也。夫睢陽之陷。張鄧州至願爲厲鬼以殺賊。今大河南北。賊連營數十萬。注矢密於蝟毛。郡邑骸骨相撐拄。孝子方且搏○子○胥○之○濟○筆○端○洵○湧○。穎帝庭謀所以洩其如雷。雷霆之怒。賊不盡。孝子必不肯遽出人世也。審矣。仲實試於風號雨泣。冰裂霜凝。鳥悲獸駭。之日呼孝子。而以予言告之。當有刀劒鐵騎。颯然浮空而至者。必孝子也。仲實爾時幸無至於哀感捐生。以重傷孝子於冥漠也哉。

曇隱云孝子生氣凜然在目。嗚呼余爲之泣然流涕。尤快其一死足千古也。乃年僅十六齡。豈非忠孝性植者歟。





斷園先生傳

華叔

有斷園先生晦跡丘樊、寶躬璞性、類近道者、或等之騷雅之林、則又類文人、氣子邈、不與時俛仰、見苟不合、決起而去、輕蔑榮利、恥爲齷齪、視青衫如縲紲、視懷刺躑躅、通謁長吏、如傳粉登塲、宵乎不屑也、名不越諸生、願交者衆、百里之外、舟車及焉、千里之外、郵筒及焉、一旦顯晦、聿殊、寒暄載暨、則謝之曰、焉能僕僕受故人盼睐爲已、并一切往還謝之、烟扉滅沒、咫尺爲遙人



莫能喻也。禮俗既疎，身輕如梗。見春暉暄木，秋  
氣零堦，渺然興懷，恒率意獨往，不命儔侶，自遇  
性情。此亦寂寞者之樂矣。居在流波雜篠中，一  
茆可置，徘徊其上，卽興至成之，卽興闌輟之所  
稱斷園麤可偃息耳目。虛白自課，有闌入者，但  
見蒼絲塞戶，草花正側，風簾舉舉，鳥聲出簷，不  
知此中有人也。石倉硯北，孤影相參，手自標勒  
於七錄，別有錄於四部，別有部烟墨錯雜案簾  
縱橫，卽經年羸疾帶孔，常移而摩娑清對，筆研

隤唐有致存焉。相與繙剝同心。喤話適意者多。  
不○二○三○人○竹○素○名○香○之○次○引○清○言○披○曠○襟○德○操○  
桑○上○鳳○雛○桑○下○不○辨○何○者○是○客○時○而○逕○絕○求○羊○  
閭○陳○籤○帙○閨○人○分○火○咨○決○疑○義○或○擁○被○得○句○呼○  
燭○疾○書○又○復○塗○乙○夜○諷○至○卯○遂○云○有○妨○聞○達○取○  
譏○鄉○里○信○乎○亦○用○是○諭○諭○者○愧○爾○俄○以○太○君○疾○  
罷○省○試○較○文○者○有○僑○盼○之○知○趣○檄○再○三○不○應○是○  
未○忍○以○微○名○絕○裾○也○果○視○湯○藥○含○殮○無○憾○乎○自○  
此○數○待○至○公○麻○鞋○蕭○蕭○墓○上○木○且○拱○矣○太○翁○旣○



老望更亟見其衣塵寸積不言心傷知山林肥  
遯終非人子志也家故無長物爨人數米而炊  
卽窘靡慄色斯夕一几冬夏一榻童子候窗莫  
得聲息可更與言名利事耶至於馴氣鋤色淳  
樸以遊與鄉人爲鄉之人爾與家人爲家之人  
爾終其身弟子職耳冰雪之氣正可久歷歲寒  
不謂意氣肝膽盡屬麤人極致而高簡置之與  
之攷據古今得失妙理勃宰嶽嶽莫能折外若  
懶挫中有衡量又非一意枯槁無用者矣世有

嗜其詩若文而古人之者弗自謂善也嘗歎人生  
慧根難得被文字因緣遷流以去終不聞道  
斷諸識染向折足鎗邊冀有少悟而石火電光  
倏焉不待志士恨焉非維摩而屢示疾非子雲  
而每著書非王樂而善清言名理非國手而時  
握子布算無鐵門限而好擘窠大書無擔石儲  
而思築室蒔花非禽尚而志在五嶽非劉龐而  
喜叅棒下機鋒非中郎茂先而樂購異書不能  
免何肉周妻而六齋斷殺不能爲平原北海而



坐○客○恆○有○此○皆○多○岐○損○心○自○速○其○亡○者○也○癸○亥○  
邁○厲○沉○冥○作○別○世○詩○今○又○十○八○年○皆○餘○生○以○太○  
翁○在○堂○不○欲○言○老○五○十○尚○事○諸○生○初○無○向○平○之○  
累○惟○此○事○差○勝○人○其○自○序○曰○歿○生○之○際○大○矣○使○  
吾○不○幸○而○豐○於○財○又○不○幸○而○豐○於○遇○而○忽○焉○敗○  
之○聲○色○犬○馬○勢○利○薰○灼○之○場○卽○欲○等○齊○哀○樂○撒○  
臂○游○行○胡○可○得○耶○陶○弘○景○自○言○永○明○中○求○祿○不○  
遂○致○有○今○日○之○事○至○人○且○然○矣○非○獨○貧○賤○爲○助○  
道○之○資○其○才○不○大○其○名○不○高○亦○有○幸○焉○

不寐云○斷園先生能從容自傳○便爾辭世○何  
其幸乎○其論意氣肝膽不屬麤人○可令浮浪  
子知愧○讀至人生慧根難得○及自序數語○真  
如冷水澆背○千古才人並應魂動矣○



不寐云猶國去土給錢客自輯財而獨出

腐侯傳

楊文驄

小寒山子有封腐侯、勅而一時名流遂有贊誦詩歌以紀其事、於是天台陳友人作侯謝表、靜長師作侯不受爵書、椒子索言於楊子而楊子窮矣、作腐侯傳、

腐侯者不知何許人、邇厥所生實唯后稷、至淮南王而名始著、淮南蓋其鼻祖也、族類繁侈、椒聊遠條、實遍天下、天下人自大都名邑以及窮谷下里、無不望而知其姓字、侯生而修潔入水



不濡端方自守。然平易近人。其和光同塵之象。

大是柳下一派。嘗見拓落簡淡上。可以陪玉皇。

○同○塵○

大帝下。可以陪田院乞兒。恬如也。且無榮辱之

驚。朝而猷猷。夕而鼎鼎。泊如也。無利祿之想。干

駟弗視。一介必嚴。穆如也。至於憐才好士之誠。

無一日不與貧士爲伍。放情方外。繁華濃郁。槩

置不問。尤喜與羽人溜流交。故天下素心人有

一不與侯友者。便廢寢食聲望。雖日隆。然不樹

難交之友。交情雖日廣。然不受難報之恩。當人

之惠卽一文之及無不粉身以報焉宣帝元康  
四年侯有族屬降自天此國瑞也又常有異人  
驅其子姓爲兵頃刻百萬何其壯歟獨其昆季  
之間相煎太甚陳思王頗憐之稱千古知己自  
是閱世日久消磨日深硜硜自守唯求升斗以  
自活不肯稍有詭隨以點清白家聲天下人目  
飲食其德而不知是侯不負天下而天下之負  
侯也多矣友人椒子知其功不可泯俾侯於台  
保彼東方所以羞肉食者之庸庸而欲以淡泊



寧靜之效。為熱鬧場中下一清涼散也。是又侯之一知心友也。客亦何負於侯哉。

野史曰。若我侯者。真可謂大白不辱。腐而神奇者矣。正而不阿。澹而可久。儼然有古大臣風焉。是知白而即守白。以猶龍氏之法而直用之者。歟。柔亦茹而剛亦吐。以仲山甫之法而變用之者。歟。世安得若侯而伴食也哉。即乾坤皆腐儒可也。

嬾仙云。相對素心人。樂與數晨夕。余輩寒微。每飯不忘君。實君之飽我以德也。

夢記

李應昇

已未之冬望前一夕、以課士宿鹿洞、步于林臯、  
雲月濛濛、不盡幽賞之懷、檢次游名山記、奇巒  
異壑、此心飄朕萬山之上矣、抱寒衾、理孤寢、乃  
夢登天池、篆烟幽閣、了非人境、汗漫游屐、忽陟  
一巔、問其名曰石雲也、一峰插水、石齒攢、森  
如奇鬼搏人、倚峯而坐、僧龕甚幽、水光入簾、搖  
搖心目、捲簾窺之、水石相涵、神光四映、峰上下  
都作寶色、驚喜讚嘆、語家伯子曰、是琥珀峰也。



却亦不知伯子何自入山、遂共尋勝跡、相與問  
途、若有若無、非近非遠、忽又入一精舍、激水飛  
泉、如珠如雪、風鼓室搖、寒不可立、其後有峰、崔  
嵬嶺岨、亘天際、逶迤而下、乃爲石掌、掌作蓮花  
片片參錯湧出、室四面皆狀環掌、有泉淵泓、亭  
乳蜿蜒如壁、淨徹可鑒、泉外圍峰、曲折高下、如  
笙之編竹、如筆架之齊尖、如翠屏之映彩、山僧  
爲予言、此石門也、其西北隅一石壁、有方竇、聳  
身入焉、乞得大士淨水一甌、入手覆地、掬取餘

滴入口都不辨何香味顧視石巔下臨無際有  
雕欄環接梯之以行柔脆欲斷予心怖甚伯子  
驚墮矣若大士挈之得免攀延數百丈而下則  
懸崖絕磴烟雲飛泉都失所在見家大人端坐  
一室驚告其故曰女夢耶予恍惚未荅濡毫染  
翰若將吟詩忽焉驚寤枕畔松風依稀夢境也  
嬾仙云胸藏丘壑筆染烟雲寫夢境了非塵  
世如海外峯巒雲封院宇留以待白香山者  
爲商舶顯現此亦先從夢中指示耶





紀遊

陳仁錫

嘗讀太史公書始知蓬萊方丈瀛洲爲三山始  
皇好奇聞徐福語遂舉求仙採藥事心快之吾  
吳金焦北固名襲而實左欲爲山靈拭之及登  
金之妙高臺隼之吸江亭北固之三山樓青冥  
落地龍江無色不知一片熱世界失在何處玉  
兔爲兩金鳥作雙低回於明鏡中若遠若近而  
琳宮紫刹飛廊舞磴爲之色矜嗚呼所謂蓬萊  
方丈瀛洲名掛圖籍而試以此律其實無繇也



卽反居水下之說特福之愚始皇耳然古今遊  
三山者咸便帆過舫稍稍載筆延討輒以傲人  
是以皮相山靈貽辱非淺愚謂遊三山必未遊  
數年前聞風結想幾深夢寐及遊則累歲糧攜  
同心一二奇書數種嗒然居之鷄五喔後急奮  
策孤往據絕頂最高處細觀雲之往來湊合度  
水入林含崖吐谷或白衣或蒼狗或橋梁或車  
蓋姿狀萬出應接不暇日始升則迴視日所矚  
處隱躍晦顯遠近濃淡之奇畢在林巒相錯時

及返照靜看落鴉帆影出沒長江之致不全在  
丹金五色爲奇也大雨後短衣狼狽趨亂壑重  
泉間觀水勢不能直行躍舞飛鳴與山爭奇于  
一隙之內春時花未發先課數詩商擬開時景  
色及爛熳離花數百武擇危樓杰構置酒凭闌  
與客指點霞封綺錯之奇秋則山水本色譬猶  
病客乍痊動定閒靜又如醉士臥起七碗茶後  
也奇石露奇怪木呈怪江之形澄以遠泉之響  
悠以調真堪歌李青蓮絕句數首消之此蓋三



山之勝場。古今遊之所不及也。廻視蓬萊方丈。  
瀛洲失覈負名。不可太愧耶。

懶仙云。其人潛深淵。浮游守規中。方有此筆  
徑想路。

拔劍集紀

傅汝舟

已未夏余著君王將相書之餘系以題墨約得  
百首太青子爲置牀頭萬斛金陵春一斛一歌  
一醉一舞起而拔劍者數數久不知劍鋒之或  
禿也童子負劍者跪進曰劍禿矣予視之禿矣  
笑擲之已而一舞一醉一歌一斛起而拔劍如  
是者數數久不知劍鋒之或銛也童子負劍者  
跪進曰劍銛矣予視之銛矣又笑擲之當予未  
拔劍時灑毫題墨空中有嬉公子者來衣朱衣



眉骨秀色。指爪較麻姑。仙人覺輕舉。盤桓予衿。  
帶間。顧予笑。予不知何謂也。予亦相視欲笑。亦。  
不自知何謂也。遂別去。嗣後。蟾公子終日空中。  
來。更善衣。或白雲色。黃玉色。紫霞碧梧色。或遠。  
若近。異態大若小。換形如鵝籠中。化生人數數。  
顧予笑。予不知何謂也。予亦數數相視欲笑。亦。  
不自知何謂也。窈窕善狀。有一室。予見而人否。  
否。又人見而予否。否者終無言。數數飛去。旣而。  
來。低徊香案間。若有思者。曰。公子愛吾言乎。公。

子復相視笑有欲言不忍忌予牙頰之忽漏者  
予已心領之多矣不復語遂拔劍爲公子舞公  
子亦卽躍身劍頭上周流上下似爲予舞予曰  
公子疑吾劍乎公子復相視笑予亦不問太青  
子聞而歎曰異哉我且更置十萬斛金陵春招  
子之客白鶴山人秀羸居士來我與子索螭公  
子一說劍也予曰可可旋拔劍一舞一歌一斛  
一醉且未計公子之來與未來也是劍也拔于  
英雄失路集之後第五集凡三卷六月十七日



傳汝舟自紀

曇隱云無端生幻恍惚不從人間來它如說  
鬼說夢猶未免籬下語也

嬾仙云超忽萬狀筆下疑有唇膏昔白猿公  
以林箴爲劒刺越處女魏文帝以竿簾爲劒  
中鄧將軍市南宜僚以丸爲劒解兩家難京  
西老人以木扎爲劒擊行規太青子何愁  
劒鋒禿而不銛耶

蕉幃十寢紀

傅汝舟

蕉者何蕉數本如綠活玉如柳浪數尺自壁瀉  
下翠碧能醉人堪寢故幃雖幃輕綃上猶然葉  
葉○蕉也寢無夢寢不暢母寢爲神遊也天放也  
太古○象佳景也寢者以夢爲覺如珠玉服食鬚眉夜夢  
之旦值之刻畫似蝴蝶耶黃梁耶覺也等之夫  
以覺爲夢者如泡如幻如電如影復如夢夢而  
如非夢也如而夢真如矣夢矣十者何大睡千  
年小睡五百年春秋八千旦暮生歿一得九成



十○意○得○數○成○象○也○非○定○數○也○寢○也○十○也○幃○也○蕉  
也○夢○也○俱○夢○也○十○寢○者○十○放○何○也○保○愛○子○去○仇○  
必○遠○護○拱○壁○驅○盜○必○嚴○眉○睫○之○下○不○容○非○類○相○  
親○臥○榻○之○上○豈○使○此○輩○鼾○睡○也○委○爾○榻○且○高○百○  
尺○樓○耳○何○獨○記○寢○也○冬○者○時○之○寢○夜○者○日○之○寢○  
冬○令○正○則○時○調○夜○氣○清○則○日○朗○寢○者○人○之○冬○也○  
夜○也○無○忽○乎○夢○也○何○也○寢○譬○形○也○夢○譬○影○也○寢○  
譬○源○也○夢○譬○波○也○非○形○妍○不○能○索○鑒○無○螭○影○非○  
源○清○不○能○觀○瀾○無○渾○波○也○睡○中○魔○不○易○遜○也○故○

夢○僊○聖○佛○祖○者○覺○人○也○許○十○寢○夢○冕○笏○輿○馬○者○  
治○人○也○許○九○寢○夢○經○史○車○書○者○文○人○也○許○八○寢○  
夢○刁○斗○金○鐵○者○俠○人○也○許○七○寢○夢○烟○雲○魚○鳥○者○  
韻○人○也○許○六○寢○夢○杯○杓○觥○斗○者○達○人○也○許○五○寢○  
夢○笄○珥○巾○繡○者○艷○人○也○許○四○寢○夢○牛○鬼○蛇○神○者○  
幻○人○也○許○三○寢○夢○彝○鼎○榻○裝○者○冷○人○也○許○二○寢○  
夢○耕○織○作○息○者○寔○人○也○許○一○寢○有○十○寢○因○十○放○  
無○情○假○寐○芒○刃○伺○人○者○不○許○辱○此○蕉○幃○也○奔○競○  
憊○歸○駕○言○清○憇○者○不○許○辱○此○蕉○幃○也○故○託○沈○酣○

此輩不許攔入




欲避錄事者。不許辱此蕉幃也。了無一語。攢眉  
下睫者。不許辱此蕉幃也。僵臥藉書。蠢無生氣  
者。不許辱此蕉幃也。喬作嬌態。伏枕自憐者。不  
許辱此蕉幃也。自謂羲皇。心勞錢穀者。不許辱  
此蕉幃也。作意言旋。希主遮留者。不許辱此蕉  
幃也。頤養鋒銳。倔起侵人者。不許辱此蕉幃也。  
撓人清夢。解衣攔入者。不許辱此蕉幃也。寢者  
無可夢也。放者有夢不可也。甲寅秋夜蕉幃月

下無夢漫紀

曇隱云大槐國中尚多俗氣惟許漆園蝴蝶栩栩飛入華胥也

嬾仙云十寢選羲皇之勝侶十茂樹睡鄉之干城奇則鬼剗神鏤與則塚函枕笈  
無夢漫記無尾正在無夢問後夢話





Vertical columns of text, likely bleed-through from the reverse side of the page. The characters are faint and difficult to decipher, but appear to be arranged in several columns.

紀蘭

金俊明

已卯仲春廿二日、文吾孟式諸君、偕余有石湖之汎、以二小舟分載客、時仲遵獨未至、留一舟、尤小者以候予輩、先發行、未幾忽聞隔窗角、搗聲甚銳、則仲遵舟也、私怪之、到橫塘稍泊、並起登岸、遙望仲遵舟中、覺有異、急趨入、偵之、宅無有、几上惟蘭一盆、茗罷數事而已、而蘭則奇品、予撫几叫絕、笑且歎曰、宜諸君之悅暢、一至是哉、余歲所見蘭多矣、不過曰香曰盛云爾、未有



一見使人心折。幾欲下拜。如此花者。短葉踈花。花出葉外。莖白如玉。亭亭自貴。又二花出土。纔寸許。其色更白。幽意自賞。余對之不能去。輒就小舟與俱。孟式得玄同之。且飲且玩。及歸到峴。猶未忍起。孟式乃命童子送致館。坐予顧來游。兄弟曰。聲氣感召。理有固然。物之不可碌碌。類若此矣。嗟乎。一花且然。而況于人乎。此余所以對之而嘆。徬徨遠想而不能已已者也。書示仲遵。以諭同好。且以慶此花之遇焉。

汎石湖之明日。令和過予館。矜示以昨所携蘭。則令和先以賞歎久矣。乃躍起曰。季貞齋頭新致一本尤異。盍往觀之。便造其齋。則見一盞中有三種色。一黃一白一綠。其白與昨正等。黃固殊態。而綠亦非嘗容。皆挺秀文舉。風神奕奕。予于是益喟然嘆也。士伸于知己。艸木亦宜然哉。管賢負奇自好。每謂不遇長者之目。令人恨深。今若斯蘭。則可以不憾矣。物聚于所好。好之至。則求之。力求之。益力。則出群絕世之姿。競至咸。



願表見以副品題向非令和勸動之于前仲遵  
昆季搜索之于後安得遂出奇無窮至於絕盛  
寡倫有如此也季貞于是烹茗相慰論讚久之  
命余并記其事時崇禎己卯二月廿有三日  
予既得異蘭寶愛珍至季貞又爲予致媚焉藉  
以篋鼓架以朱檠益增其榮余驚喜不自定大  
約如李靖初得紅拂時而令和則不能忘情也  
一日而來觀者三四忽簡我曰若不以歸我者  
當以頸血濺花效昔日米顛故事頸血濺花則

五指何有。又誰爲孝章作圖記者。孝章其急援我。急援我。余閱之。交戰於中。愕不能決。盖今和特工印章。遠駕秦漢。予方屬爲二印。需之切。懼以此持我。顧令和善病。度未能捉筆。乃謾應曰。若且無輕生。若果趣爲我印者。當卽以相讓。無煩頸血濺爲也。令和得報。卽時鼓勇爲之。石艱渺。不易瑩琢。乃砣砣作勞者。竟日爲予篆其下。文其上。明日午飭罷。奔捧而至。足纔及戶。大呼曰。吾生矣。氣盛色厲。直指蘭揮。顧童子速將去。



無損余。又愕不能禁也。然後揖而出所捧印示予。果絕渾古可愛。初謂聊謔耳。乃竟得之。蘭則去矣。惘惘者久之。亦如元章佳石被奪且不敢輒過。今和齋恐見此蘭。蘭將笑我不如石季倫也。

蘭既去室。遂無蘭。非無蘭。匪我思存焉。爾令和既快得蘭。乃移案頭瓶。蘭供余。此蘭一莖二花。作合歡狀。媵以水仙三四萼。娟秀特甚。又天竹子一株。赤簇簇如珊瑚。布置出令和手。大都皆

入畫格。予於燈下看其影。畫思益疊。疊不能禁。惜無繇達之于筆。東坡所云道而不藝者。耶。事小而韵亦蘭閨也。雖不得畫。姑并記之。

方南明云。從來書畫古。麗有好事鑒賞兩家。余謂此兩家不獨在書畫古。麗也。大而山水。次之林園。小則一花一石。舉莫不有然。有好事而不遇真賞其人。或遇其人而筆條花菱。墨海波乾。僅亦付之一時歎賞。將呂所見及其所不見。俾凡有心者。舉是物躍躍在其目。



中雖時移物換精神欲接○可得哉○今讀金  
子孝章名蘭四紀無論仲道昆季領異標新  
不愧好事乃神情特注獨與目成如孝章者  
竟爲令和攘去豈真色授魂與○尤物得以移  
人哉○巧足以尋之而志有以搖之也○向使今  
和不精摹印無以驕孝章○卽令和摹印自精  
孝章不向之乞者亦無以來令和之驕○蘭之  
不終蒙眷也○孝章實爲之○雖然○蘭旣受知○卽  
復緣此○卽得孝章○竊巧于特令和矣○兩人癡

黠各半乃爲之作合者非此蘭也耶僧彌爲  
蘭寫影養世間好事之目而初末情緣來來  
去去非孝章風雅何緣發之而亦何緣傳之  
哉丙戌七夕余在養春堂命次兒曝所藏書  
念今歲暑不甚酷是日炎威特熾適季貞送  
此卷見示從容展玩覺幽芬逆鼻靜氣開心  
遂詠四絕以識同好  
芳春嘯侶石湖遊携得奇蘭上小舟恰似傾  
城遇名士深情那得不相投大都喜極語



難詮○只有精神獨往還○一自橫塘目成後○茹  
毫續得定情篇○人言丘子真兼巧○我道金  
君妙作癡○不是此花能色授○肯從半日便鏗  
奇○印成蘭去費吟思○何似當年換馬時○慚  
愧一枝還折贈○燈前聊復慰他離○  
懶仙云咏蘭詩有鼻端觸着成消受○著意尋  
香又不香○讀此紀又覺色香仍在楮上○令人  
依依不去○

太華游紀

朱鷺

太華其高五千仞。直五千仞耳。域中其亾越五  
千仞高哉。登巔仰俯眺而後知太華不以高奇。  
以奇奇。不寧以奇奇。以險奇。山蓀亭下。廣衍鬱  
茂。識舉麓也。谷口南入。陟坪漸昂。浸而莎蘿。又  
浸而青柯。陡壁夾水立。亘二十里。咸上指雲空。  
不可以目力齊。偉觀哉。比登幢峽頂。若者俛焉  
喪其嵯峨。青柯且成下方。去一奇也。于是徇孫  
愁。擦耳厓。車廂犁溝。諸嶮巖盡而迤邐。跌宕之



區載起爲白雲北峰麓躡白雲半幢峽以上逡  
巡卻立不敢前仙掌東指獅子西踞玉女明星  
蒼龍北斗爭獻峯三峰隱隱峭插遠霄奇乃  
甚南折數十轉由升嶽道跨蒼龍嶺摩日月巖  
探金天洞凌仙人砭陟上天梯越通天門諸嶮  
巖復盡而爲宗土祠回觀白雲又已孫爲脰股  
間物然乃丘阜合逕洞潭容洩草棘蒙茸罅  
盡山足產非山上產則宗土始爲三峰麓未逼  
三峰也麓上重有麓再而三峰上重有峰亦再

而三不大奇特歟三峰道拔真若削成臨絕塹  
破青冥五千仞何足量其高哉極巔騁望環百  
里千峰內嚮揖若拱若來若者如蓮華瓣漸入  
壑裏湧起三峰爲蓮華中心與華瓣簇映成一  
千葉芙蓉人馮其巔宛踞蓮華頂上盼指如意  
則奇之奇也奇絕險亦絕千尺幢之上也壁互  
三尺之虛橫以枯杙穴以石齧杙受踵齧受手  
手已茹方錯踵杙旣路廼吐齧左右遍真弗相  
假也俯塹臨巉弗敢睨也險此始百尺峽虛廣



若甃井。白晝瞋窺。一墮慮不復出。卽當數十丈。如井綆垂。牽以上下。人上出收汲。然及其下入也。放汲然于鱗。所謂皆自汲也。亦謂之懸度。險乃五倍幢山上。幢若者。凡幾峽若者。凡幾。辟靜諸處。以缺杙以板度。面壁蟹行。踵二分落板外。迂至三五十丈。人如步虛。上下都絕。較幢險百之。彼直度。此橫度也。橫甚其直。自東峰下。老君巖。卽當雙垂。其爲縞也。倚倚從空翻。俗名翻鵝。較峽險亦十之。此其著者。若乃太白終南。髻撮。

首陽王屋螺立漆沮涇渭黃河綫曳則奇生於  
遙盼總仙洞天里絜三百極真洞天里匝三千  
窮底無極冥搜未聞則險生于伏瞰青柯壁半  
广構纍纍若空中住人懸度如猿猱升降亦奇  
亦險蒼龍嶺天矯三百丈濶僅尺許高乃千尋  
脊若仰刃首如驤空左右眩不底之壑卽險卽  
奇峰頂咸如覆敦行覆上豐而傾步弗留也進  
十退九手常代足行覆邊危而盡足莫逞也剛  
風移步雖有崕岬弗承人足矣奇險可勝道哉



至於複嶺崩厓。穴岫截巘。飛梁曲磴。虬柯鬼石。  
玉井丹鑪。一一與雲靄爭出沒。靈顯景光。可以  
目飲。難以口摹也。他仙蹤幻跡。則老聖著經。希  
夷避詔。長房修羊。五龍入真。秦之妃。唐之女。爛  
然傳志。大都不尋常矣。

不寐云。太華奇矣。然非道人奇險之筆。亦不  
足以貌之。而且孤蹤獨前。賣竹自給。則游狀  
亦奇。此真右軍所稱不朽盛事矣。

遊洞庭述略

吳承科

宋聖蘭爲余兩弟設臯比於挺秀堂時爲余譚  
包山勝槩屬寰中第一余時神往謂他日一了  
經生債便當買扁舟浮沈七十二峰間庚戌值  
勞母喪中秋四日宋玉女致柬相邀夙知主人  
病懶不履戶外謂此行不諾不鈍漢耶卽飛棹  
楓江翼擬治裝無便艇姑停玉女聖簡同野步  
得新月初六發舟舟如葉不飾以帳雨絲絲沾  
衣也旋霽則相顧色喜風利揚帆浪花如雪看



點點青螺遠近。濃淡各殊。午後抵西山作弔勞  
母雨宿仲際書齋。齋後植千橘。前短垣不踰數  
尺。蕭蕭風雨。牆角芭蕉聲亦復作惡。終夕少睡。  
醒而山容樹色忽落枕上。簷際便蒼烟白雲。與  
古藤新篁相映。不欲舍去。俄而仲際蒼頭持柬  
招飲。澱紫山房址俱依巖石高下。後負層巒面  
臨曲水。汨汨有聲。隔畦爲平田若干頃。遠山修  
林障之。晚霽步天王寺。松蘿夾道。初疑爲鬼宮。  
偕同遊者逶迤而前。而主人亦已携酒肩枕簟。

相隨抵寺門。而一鈎已掛佛宇矣。及夏。元明與仲際指戰愈劇。酒律愈嚴。夜分扶醉入覺如僧舍。覺如九蓮高足也。僻居寡逢人。不解屈曲。然供茗自勤。久亦相習。不厭其無禮。翼復從勞早膳。戒舟主人實綠醕玉粒。壯遊色。無怒濤激湍。舟如行平鏡中。正所謂潮平兩岸濶。風正一帆懸也。登石公諸巖。劒樓險峭特甚。兩傍賴石隙。可以容手下。則石屑支展。前者上踵之者。額抵其距。歷歸雲洞。一線天。雲梯。聯雲障。石梁。臨湖。



有石灘背奇峰危壁前湖光千頃。眺眼一空。主人布茵其上。百倍廣虎丘千人石。有石如拳者。去灘丈許。戲與元明涉水踞之。欲仙去。沾沾自喜也。時坐灘以足迎湍。濯至其背。相與起舞。輒滿引巨觥。因笑吟云。一杯聊浪跡。千古任潺湲。抵消夏灣。吳王年年與西子。汎舟採蓮之所。今則爲斷烟荒霏。獨其湖外藏湖。與西湖風景大略相似。而疎曠過之。甫拍岸。則舟從百丈菱花中入。扣扉投宿。蔣氏蔣昆仲二。大好事。至輒具

鷄黍供客情禮倍至。黃昏雨甚翼辰已。間猶不  
已。同遊相顧怏怏。欽价夫出扇索書。蓋亦探客  
無聊。假中書君寬悶懷耳。誓登清音閣。閣係嚴  
氏建。啓扉則縹緲障其北。諸峯頂童然而縹緲  
顛。獨受雲迷。則峰于湖中最傑也。其傍毛公壇  
差得頡頏。猶遜而左。峙如侍婢。然白雲故冉冉  
其上矣。同遊俱指縹緲誓必陟。卽不得下。覩七  
十二峰。携得山雲滿袖歸。不大愉快乎。晚偕覺  
甫懷泉元明。攘袂直前。逢山樵問途幾許。指白



雲深處則復屏息往至則同遊去尺許不相識  
巾袖俱如粘絮看縷縷樹間蜿蜒吞吐頃刻異  
狀幽咽不可忍遂却却纔數武耳而白水青崖  
依然如故見翠黛山山落烟蕪塢塢低也主人  
從山腰問遊何如謂雲巒不如晴巒勝耳余曰  
故復佳景不難晴得也強持客去作供而遊目  
已飽歸興已濃急作謝索歸一路蓊蕪掩徑修  
林布幄正袁石公所謂一巒一壑可列名山敗  
址殘石堪入圖畫從懷泉指點委蛇而前懷泉

獨會心吟空山夜夜寒。經薜蘿未登。歷松逕看  
二羅松大合圍。古枝如盤龍蹲豹。徘徊久之。舊  
有古刹爲福圓寺。已燼。小沙彌間雲出茗供客。  
以天暝固止客宿。不可乃歸。十之日阻雨。主更  
盛設作款。翼反棹經胥口。揖伍相國祠同遊者。  
謂此遊僅僅得石公消夏縹緲未快。若某某若  
何。勝槩俱未遍覽。余曰。盡則安能要須有興會  
耳。不有一几一室。而五嶽之勝可臥遊有餘者  
乎。抵楓江。則及江邨漁火候宿。宋晉吾齋中同。



遊則宋玉汝宋聖簡許覺甫熊元明

西華云淡遠若雲林之畫意○波折得右軍之  
筆法勝情高韵超然畦邇之表○

弔岳武穆文

吳從先

若王真可謂千載一人矣。西湖之濱廟貌日新。游  
人禮集。歌管不驚。非王誰克。享之王之生也。皇  
路式微。腥羶得志。瘡夷遍野。干戈日起。二帝  
不返。三州長逝。王乃發憤鑄肉而誓。第王深于  
易者也。讀師貞吉。則掩卷而歎曰。盡之矣。合變  
出奇。電張雷擊。長驅咽胡馬之鳴。壯氣掃陰山  
之壁。北斗已南。黃龍將入。孰知乾坤易位。後先  
乘除。理有固然。勢不容已。故使檜言得逞。金牌



繹飛成功且喪大業盡灰長舌曲噪吉人阻糜  
世之論者飲恨夫東窗之妻而余獨以爲殆天  
所以伸王也元木有蠶食之勢遷朝多退辟之  
思王何能以一手支天一家誓師得之縱者橫  
不御前已進者後託誰王倘於此失之徒泯泯  
耳厄王于垂成王之不穀王實令終承謙得益  
因敗爲功王必見此而解甲釋戎懽然就縛不  
然王能畫百萬之師若一而豈不能制一奸之  
命受其斃乎西湖之水清徹連天湖上之山鬱

茂○且○鮮○王○靈○對○之○人○心○怒○然○竟○不○知○幽○陌○千○綿○  
豪○傑○相○煥○古○今○來○往○儔○得○並○傳○而○王○亦○何○恨○于○  
此○歟○也○銅○人○長○跪○醜○縛○比○肩○王○而○覲○此○能○不○慨○  
然○檜○第○負○南○渡○之○主○而○陰○爲○王○左○券○王○何○不○立○  
赦○之○若○王○則○千○載○一○人○而○千○載○之○下○有○能○嘿○定○  
王○心○于○今○日○者○余○亦○一○人○矣○

懶仙云花影集載潦倒子讀武穆傳欲至杭  
糾義發秦奸塚阻風高郵遇漁樵泊舟對飲  
所談皆世外語潦倒子徑前長揖告以故漁



者一笑絕倒。曰子爲儒生。此事不明。曷儒名  
爲宋之有天下也。趙普首建篡謀。後佐太宗  
育母兄殺弟。侄王欽若降天書。王安石行新  
法。乃至徽欽而後事至。莫挽賊檣之生。非徒  
殺飛。賈滅宋也。宋旣當亡。豈可使飛不亡哉。  
非秦奸則岳侯精忠不彰。非秦奸則岳侯功  
名不著。故天設秦奸以成岳侯萬世不磨之  
勲。欲爲岳侯報讐者。是不知所爲而爲者也。  
寧野得此意發論。岳侯雖死猶生。

告梓潼文

楊廷樞

仕而學學而後仕有具之爲優君求士士亦求  
君相須之甚切故欲遇諸魚水必先氣感龍雲  
竊念臣某矢志迫乎君親立節先乎忠孝讀聖  
賢書而學其事○生○平○斯○許○如○是○豈○爲○大○言○嘗有成仁取義之思做秀才時  
而任其業亦抱先憂後樂之志休休文圃畋演  
秋實春華矻矻芸牕辛苦冬爐夏扇甘貧茹淡  
口嚼宮商角徵之音愛博摻奇目涉甲乙丙丁  
之部但捷慚倚馬七步八斗之未能巧乏雕蟲



三部兩京之不作。望大鵬而鯢化。魚尾將頽。並  
下。駟以鴈行。豕頭多白。十年不字。猶同處女之  
貞。三北未酬。幾誚大敵之怯。七襄不報。箕斗久  
占虛名。五化爲周。龍蛇猶無定位。妻子牛衣而  
涕泣。父母鶴髮以焦勞。况茲天步艱難。人謀不  
淑。貪肆攫金之手。陰同載鬼之車。主聖臣愚。君  
痛切  
孤黨盛臣。某媿書生之白面。懷良士之赤心。恨  
肉食者鄙。徒有其身家。而不有其君父。苟得時  
則駕。不愛其富貴。而獨愛其功名。早處囊中。可

憂國感時言之

脫毛生之穎欲借箸未先彈貢禹之冠非躁進  
而呈身欲懷忠以許國茲者干遇車而應革支  
加午以當離南國響臻四門茅拔鳳修羽以待  
儀龍栗鱗而思翰惟神現九十餘化之身掌三  
百羣賢之命權衡桂籙定選士俊士于金簡玉  
文頒錫蕊書登英人傑人于紫泥黃榜夫漢策  
賢良而董相居數百人之先宋舉制科而蘇軾  
占三等之號斯皆人不媿其科名亦由天寔綏  
其福祿若如臣者定有志焉簡閱在帝稽謀自



天願以巧倕鏤臣肺腸象罔居臣心臍文瀾漾  
碧不知續水之自天筆嶂攢丹猶感生花于入  
夢分司合辭而薦異主者張目以稱奇國醫終  
報于折肱良玉必酬于刖足香傳雲外炳姓氏  
于月中春近日邊賜音書于天上名之顯矣志  
亦伸焉一飛一鳴凌空霄而萬里八戰八克享  
敝帚以千金誓當以天地完人答上蒼生我之  
意不敢爲溫飽賤士誤朝廷顓俊之心

終不媿此數語

嬾仙云報國之心憂時之志當與清獻焚香告天同一心事豈是乞靈于祿俗腸

却巧文

張 鼎

柳河東謫居愚溪之上，自傷其愚而乞巧于帝子。余謂帝子不賈靈于凡夫，藉入凡夫之手，即靈巧盡機械耳。河東嗜巧，故不能愚，不能愚是以大困巧何乞焉？爲文以却之。

有淡然先生處無營之室，游清淨之庭，冷襟映月，素風入雲。于時孟秋七夕，睇雲物，數繁星，悵鵲橋之茫茫，嘆一水之盈盈。童子設脯陳酒于庭，來告先生曰：願有乞于天孫也。先生曰：何居



乎。童子告曰：今夕天孫嬪于河之滸，暫駕人間，施巧于下土。唯夫子道高而身不豐，學博而用不充，豈天巧之或嗇，廼人謀之未工，宜有乞焉，以潤厥躬也。先生曰：嘻，而謂天巧可乞耶？人巧可益耶？吾聞造化之區，冥漠之主，分定而居，安貞而處，不相肖也。人各有其有，不相借也。物各取其取，故鈍不能利，拙不能工，方不能圓，抗不能逢，貧不能使之富，否不能佐之通。崔長皃短顏天孔窮，彼安能增益造化之毫厘而邀造化

以自豐也耶。且爾亦知夫天孫之巧也。黼黻天  
繹。綜緯列星。燦璇璣于支石。濯雲錦于紫庭。非  
杼非軸。爲絲爲綸。自然之妙。有象太極之精。能  
非人功之所施。故亘乾坤而如新也。爾乞其巧。  
何爲者耶。文濬發于巧心。則長卿之藻。不傳于  
劣筆也。畫徵奇于巧中。則曲逆之謀。不借于淺  
人也。斲運斤于巧指。則承風之技。不記于拙匠  
也。視析微于巧睫。則離朱之察。不假于瞽夫也。  
辦炙轂于巧舌。則儀秦之口。不施于木彊也。貨



流泉于巧取。則陶猗之豐。不貸于寒畯也。割西  
子之面。不能益嫫姆。刈荃杜之芳。不可以續野蒿  
也。且吾聞夫人生世間。貴憑其真。亡不可以爲  
有。虛不可以爲盈。假者不容據爲實。天者不能  
化爲人。故金葉不花。木鳶不羽。象人無情。象龍  
不雨。彼且借靈于鑄鵠。而孰知夫造化之無所  
取也。吾思生人何識何知。冬裘夏葛。混混虫虫。  
方心爲守澹。面自持辱。不必辟榮。不必居巧。  
一途末世之疵。繪雲画月。大雅以滴陽施陰。設

靜言用違。翻覆兩手。血污其指。壘眇穴窺。眯厥  
禍始。倜縱倜橫。毒于舌鋒。脂枯澤歇。自焚必烈。  
繇此言之。多巧多淫。多巧多蹶。多巧多盲。多巧  
多折。多巧多吝。多巧多竭。非巧則然。人則爲之。  
世人所巧。帝子所愚。彼旣愚此而寧。與子爲故。  
珠藏于腹。守珠非工。吾守吾寶。不出匣中。斷腕  
攫圖。圖非吾有。吾能握者。兩袖其手。嗟哉拙則  
營巧。巧亦仍拙。滔滔曷窮。江河日月。何如朴愚。  
澹情素節。老氏亦云。大巧若拙。命撤脯酒。清歌



以酌歌曰帝子巧兮人不傳。下土有求兮帝子  
何施焉。彼昏昏兮詛鈍爲銛。排天門兮扣雲烟。  
吾煉心于太清兮。返天工之自然。謝帝子兮寂  
無言。童子嘿然而退。先生于是解弢塞兌。安其  
拙。愚以容與乎清平之世。

懶仙云。日鑿一竅。七日而死。若愚若拙。所以  
勝智勝巧也。柳洲愚溪序。欲超鴻蒙。混希夷。  
其亦悟于巧之不可乞矣。

關坐關文

夏樹芳

議者以坐關縛禪爲證道、竊以爲過矣。宇宙間  
一切有爲之法、○禪○理○托○出○可聞可見、何莫非禪。凡其接構  
之所通人天下、吞吐欲張、皆是物也。蓋其機  
最圓而其用亦最神。宣弊弊焉、閉影一室、如稿  
木如灰、紐之以爲械、而驅之以爲弄乎。歷觀  
古德行、脚叅方、應期設化、一予一奪、禪機怒張。  
故有揮祇林之劍、輓雪峯之毬、挽三平之弓、舞  
道吾之笏、樹禾山之鼓、擎秘魔之叉、彼其游戲



神通縱橫三昧當陽顯露白日轟雷未聞焚香  
枯坐之爲兢兢也必坐關而後可則跣步三年  
不稱道亮決疑萬里不表大隨西度流沙不揚  
無竭飯牛蓑笠不著南泉棒喝交馳不爲快帶  
水拖泥不爲勇所以證菩提成道業者必坐關  
而後可則普化之入市驢鳴于湖之上堂犬吠  
船子潑棹於層淵藥山披嘯於絕頂不名矯亂  
卽屬狂癡其所以變化於忽荒之際而馳驟於  
般若之場者抑何其遵於聖而妙於解也夫坐

關者寢假而入如來用以棲心禪定則可如必  
曰一坐關而道可無學方可無叅賢聖可以不  
逢耳目皆爲障礙則所謂坐禪殺佛者蓋亦有  
焉而豈曩日西來之意乎覺皇氏之始修也蘆  
可芽鵲可巢而至於次第勤行趙趙求道則涉  
嶺踰河竭蹶而趨不遺餘力如日一坐關而叅  
禪之能事已畢是猶庖丁解牛徒見其委地藏  
刀而不知其騷然奏響官爲止而神爲行也嗟  
乎坐禪之癖也久矣青蒲一片矯矯自雄夫夜

智力行力並進終是實筏



郎王烏知漢大哉

曇隱云。心卽是佛。心卽是土。此等語皆是口  
頭禪。傳燈錄及大慧中峯言教。惟恐空解着  
人墮落魔事。此文真寔圓通。九叅門頂上一  
針。○  
懶僊云。坐關之說。爲邪魔外道借徑。與沿門  
持鉢者等。是伎倆得此說法。慧燈朗照。魑魅  
遁形。○

罵蟹文

曹宗璠

曹子厓戶自愁支頤兀坐有童子以線繫蟹螯  
牧于庭除余憎其剛戾傾仄縱意旁行也爲文  
罵之曰噫嘻爾何爲者耶不鬣而遊不頸而响  
尾斬蝌蚪腹式蜘蛛圓旋毀規方步滅矩蔑棄  
鉤繩踉蹌蹙蹙無七十二鑽之靈冒稱介屬分  
二十八宿之氣託處咸池入坎穴則奪鱸鱔之  
堂基出井窞則鬪蛟螭之鱗甲流脂沃肪有似  
董卓之臍睥睨怒視殊同華元之目時時聽王




敦之逆謀吐沫以自蔽處處長勾踐之怒德舉  
臂以當人跡本無腸方慙蚶蠣之混沌僵扶多  
足仍讓蛇虵之天機交符黃美應流南薊之膏  
體自腥臊等殮伍參之肉且招朋比類實繁有  
徒爾雅不熟幾委頓於勸學土風失記未貽笑  
於使輶以之敗漆而器飾凋華至於災稻而廩  
庾告罄敢肆沼吳之虐宜申詛楚之文有螯無  
當於蚌持爲匡何增於蠶績故生魚頌惠放鵠  
市仁惟此族者載之刑鼎橫行重誅于姬發亂

行比戮于楊干○憎見水中○拍浮杯上○請從阿大  
夫之烹○勞薪三沸○聊佐畢吏部之飽○下箸萬錢  
快哉○

懶仙云○橫踞要津○立見鉗口○劫舌之禍○卒至  
屠腸剝腦○快人心腹○據實案罪○如張釋之定  
刑書奉詔○不能竄一字○





驅松騶文

董廣

何來𦏧𦏧耶。非虎非熊。不擇屋以倉廡。不田畝  
以林龍。循其路兮在山。而非山。考其質兮望鴻  
而不鴻。俯眴無翼兮不履地。仰觀有足兮乃行  
空似勿耽。夫朝市故隱跡乎長松。鄉垣綠刺。籟  
振清風。樂彼國兮青過天。鄰鳴瀑兮飛白虹。無  
顙齒肥而首鼠。有心松老欲成龍。其爲物也善  
察大隱與僞隱。能親樵翁與釣翁。會有高懷曠  
德巖。曲爲蓬。晝坐則口松實以餽飯。夜步則嘯



月色以游從。若夫終南鬱佳氣。捷徑在此中。彼  
則笑以爲敝。山非秦楚。何若人之朝沓沓而暮  
匆匆。入亦不驚其夢。出亦不近其踪。此迺山靈  
之使者。來卜世內之高峰。朕此似爲偵探之輩。  
窺伺之雄。今來入我之室。豈無變計。出其中。吾  
初往拜陶弘景。彼語曉猿兮。山人去再經。閒送  
司馬微。彼諜夜鶴兮。蕙帳空。于是吾乃數之曰。  
爾之爲物也。是非飄起。反間爲榮。我本李泌。不  
是周顒。爾勿以吾類。垂崖而負氣之耦。移巒塞

壑○勿○以○我○略○松○柏○于○丹○鳳○之○城○變○綠○爲○紅○若○乃○  
爾○本○姿○之○秀○動○繇○高○山○爲○上○國○之○觀○弘○我○時○危○  
嵐○講○大○易○恐○爾○竊○其○要○吾○時○挂○劍○讀○孫○吳○恐○爾○  
盜○其○功○聿○銷○蠹○格○成○蛟○而○成○螭○不○能○持○重○疑○雨○  
而○疑○風○猶○如○世○間○盆○盛○公○未○聞○大○道○氣○隆○隆○難○  
可○覲○李○聃○之○面○安○所○稱○盛○德○之○客○颺○耶○颺○耶○未○  
足○與○爾○談○彼○道○去○矣○去○矣○吾○欲○因○風○聽○暮○鐘○  
懶○仙○云○讀○王○元○之○竹○廳○詩○譬○之○小○人○竊○祿○傷○  
賢○朝○秉○大○權○夕○懼○顯○戮○其○論○甚○當○似○可○槩○議○



鼠輩不獨在竹鼯者。况鼯止食竹笋。罪當未  
減。作者別有指而言耶。

訕蜂文

徐孚遠

蜂之爲物微。是其類衆。共在一宇。採取以釀。擇利而任時。似有智者。貴者驕蹇。不事事。驅使其隸治生。畢出無留。又似有禮者。畜益多。益恐不足。未敢嘗食。脂滿澤房。將沒而世遺。無窮者。然其釀液甚非人得食。不厭。俟其已熟。號曰蜜者。熱火攻之。蜂大駭。舉其族遠竄。素所畜積。委棄無所。携持取者。剝割恣盡。大樂之。亦無慙恧者。向使以其腹量少。欲寡取。



無○利○于○人○豈○有○斯○患○哉○貪○不○知○止○以○傾○其○藏○  
悲○夫○余○嗤○其○所○爲○若○是○爲○文○以○誦○之○其○詞○曰○  
嗟○汝○蜂○汝○形○絕○陋○情○逸○不○持○驅○羽○戢○戢○偶○衆○而○  
嬉○割○榮○拾○華○曾○不○量○訾○瞋○目○纖○腹○尾○距○足○齧○囂○  
叫○勃○呶○挾○毒○出○奇○抵○觸○芬○馥○疾○刺○若○錐○凡○汝○險○  
賊○非○性○所○爲○狹○中○競○外○欲○以○保○貲○智○小○慮○大○經○  
營○不○愧○釀○之○信○芳○閑○固○匪○資○嗟○嗟○之○食○於○萬○年○  
斯○其○中○傑○蜂○自○號○曰○王○偉○形○異○質○備○茲○服○章○驅○  
衆○力○作○春○乃○大○穰○漁○獵○英○艷○委○填○下○房○常○恐○內○

虛計口宿糧微歛嚴切群蜂徬徨政出不議檐  
負盈倉藏厚物如非智所詳焚林睹燧曷守厥  
疆喈喈羣奔前免後僵竄身依草曾不携將故  
巢狼籍回瞻茫茫吾悲夫蜂爾甚愛爾之居而  
不知患生于有餘爾幸保身寄食且安如昔富  
不貲今爲虛胡不寡營淡慮安其初

桑叟云多藏厚亡物猶如此悲夫世人之盡  
爲蜂也

懶仙云聞蜂之最者名捨命王道侯騾馬噴



血滿腹。爲脚夫所撲殺。則人之卒歲營營。不  
餌利。害至死靡悔。睹此能無心惕乎。

彈炎州刺史文

葉襄

夏夜獨坐有蚊如雷嗜肌漸膚息燭僵臥戲  
爲此文

臣聞天下之患巨者易防細者難測是以蜂蠆  
有毒人望而畏之故鮮及焉鍼芒之微伏在筦  
簞間不及備則勢嘗極於不可忍伏見炎州刺  
史臣辛闇者本以艸野微賤猥瑣餘孽流垢帷  
薄聲著中外跡其所爲似亦眇質然臣嘗觀之  
其形貌短小精悍殘賊陰忍勇於進取捷於規



避○徒○以○依○草○藉○木○背○冷○附○炎○乞○哀○昏○暮○之○際○幸  
陛○下○不○察○噓○諸○陽○和○長○彼○羽○翼○俾○登○夏○官○曾○無  
養○廉○之○貞○徒○懷○飽○食○之○志○賊○害○無○告○呼○號○籲○天  
利○析○秋○毫○民○殫○膏○血○斯○誠○投○畀○豺○虎○豺○虎○不○食  
而○陛○下○憐○之○謂○其○鈎○恐○足○以○擊○斷○穎○銳○可○以○裁  
物○見○事○風○生○罔○所○回○避○復○授○今○炎○州○刺○史○之○職  
力○鮮○任○重○則○愧○漆○園○負○山○之○譏○徒○盛○黨○繁○則○符  
中○山○成○雷○之○喻○騁○行○暴○害○莫○之○敢○撓○窮○鄉○之○民  
躬○秉○耒○耜○朝○不○得○避○霧○露○晝○不○得○避○暑○熱○勞○苦

力作日鮮康居幸假少暇莫自偃息而追呼之  
聲不絕於道擊刺之術莫假於側愁慘悲鳴哀  
怨相繼非獨傷肌膚之痛也始其治風土樂易  
士多文學詩書之響與鍾鼓管絃之聲終夜不  
衰自其下車莫不望影宵奔聞響夜匿孝如吳  
猛未感焚心勤並董生猶煩刺股宜空鮫聞而  
挫精王子方之膾賊也高郵貞女蕭荷華懷行  
霜潔與其嫂某道經此方畏行露之艱乏館舍  
之託據遭其黨迫之使污嫂乃失身女挺自全



遂及於難。膚盡筋露。待旦而卒。鄉人義之。爲置  
祠焉。以彼兇殘。謂宜殄滅之。無遺種。然陛下猶  
或生之者。以其不他取於物。似廉。不避疆圉。似  
勇。罪狀無所表見。似公忠。而不知其竭人之膏。  
侵人之膚。而有所弗恤也。且夫邊境之士。躬甲  
冑。冒寒暑。聞烽舉。燧燔。則荷戈而馳。日者小有  
煙警。遂群黨渙散。解形宵潛。及烽燧小息。則又  
再集。翮飛。因以爲利肉食者鄙。其誰賴焉。至於  
罪狀無所著者。陛下直未嘗見之耳。輦轂之下。

人君之前。匿跡自避。而不知其實繁有徒也。相傳  
北京夫利口覆邦。古聖所憎。嚙啗之狀。風雅攸  
無蚊刺。方今天行不若。宜乘肅殺之威。絕奸萌之禍。  
則天下幸甚。

懶仙云。弇州之傳辛螫也。為貪夫著戒。固已  
窮形極照。如此置辭。秋嚴霜斷。當今此輩。不  
敢聚族而宵遁矣。

雖借物寄情。其摘發罪狀。字字切案。大  
有國子經世之文。



卷之六



明倫彙編 家範典 卷之六

國史

明倫彙編 家範典 卷之六

明倫彙編 家範典 卷之六

明倫彙編 家範典 卷之六

祭桃影文

俞琬綸

園南有桃二株。左臨小池。右傍齋窗。窗外卽  
莽蒼四野。間有人跡。迺常揜牕。日對桃影。就  
桃相影。就影闢牕。南齋之勝。半在此牕也。戊  
申之水。爲禍竹木。南園雙梧。園南二桃。相踵  
而斃。子業有文祭雙梧矣。桃影之功。不減梧  
葉。復有祭桃影文。

自我得爾。夙暮對向。爾亦親我。案几依傍。分裂  
酷炎。邁引清飈。宛弄旖旎。拂掃塵障。動無風聲。



因風以颺。可瘦可長。時偃時仰。月高爾低。月下  
爾上。愛不可摘。畫不能狀。收去迴波。送來翻浪。  
伴我孤寂。形影相望。示我至理。空色一相。蝶舞  
朦朧。鳥飛想像。蟬吟掩隱。蜂簧闐撞。爭妍助幽。  
皆爾之貺。窗設常關。晃濕書幌。有時而開。清移  
幃帳。誦讀寢處。賴無俗况。醫瘦猶可。醫俗難量。  
方與爾盟。升恆莫忘。無何天災。佳樹爲障。雙梧  
已歿。爾寧無恙。樹隕葉凋。枝亡影喪。月冷風淒。  
鶯悲蝶快。猛雨破紙。烈日肆炕。爾已歸虛。我心

則悵顧彼齋牕愈增憤愴遂廢此齋并歸消蕩  
懶仙云花木佳處尤在影咏梅咏竹每寫其  
橫斜婢娟之致此桃亦以影係人思不侈華  
林園七百三十八株也



洪

卦

17

哭楊維節文

管正傳

五○之○日○陰○始○賓○友○人○或○以○維○節○年○兄○訃○音○告○余○  
余○且○悼○且○疑○曰○庶○幾○傳○之○非○其○真○乎○急○馳○訊○君○  
嫺○家○趙○千○里○乃○謂○言○者○不○妄○因○示○余○以○歿○之○月○  
日○客○于○官○不○能○辨○喪○具○余○慟○哭○失○聲○閔○不○能○語○  
移○時○嗟○乎○悲○哉○余○悲○夫○維○節○之○未○可○以○歿○也○瑞○  
邑○山○水○僻○狹○科○第○如○晨○星○數○十○百○年○英○矧○偉○奇○  
之○氣○賦○之○維○節○發○而○爲○文○章○領○袖○海○內○其○爲○人○  
忠○孝○天○植○飲○食○居○處○喜○怒○哀○樂○必○二○者○與○俱○每○



論次古臣子全親報國事。未嘗不中席起舞。或  
欷歔出涕。至性傷感人。海內想見丰采。僉曰天  
生此人。以爲社稷。噫悲矣。而遽溘焉以逝耶。余  
未遇卽得從壇坫末耳。維節名字已計偕。傾蓋  
燕市中。同籍並峙。恨相見晚。數晨夕者久之。余  
每聆其言論。如餐秋菊之落英。挹其孤情。又如  
撫孤松而盤桓也。壬申春。閩廣流寇起。瑞邑戒  
震隣。維節適里居。以身扞一邑。臥起城堞者几  
餘旬。邑賴以全。嗣走書枉道致余。灑灑數百言。

攻戰守禦之略悉備。而尤戒賊必捲土重入。余  
心領之。已而果然。其深識遠猶有如此者。余生  
平慕宋諸賢之爲人。每閱紫陽夫子所編輯名  
臣言行錄。甚嘆趙韓王不歿周世宗。曾題句云。  
漫道生平讀論語。致身事主是何書。忽去秋維  
節自金陵寄一冊示余。啓視之。則卽此錄。而維  
節手復訂次者也。讀其序。亦深憾趙陳橋易節。  
以爲與于亂。臣賊子異哉。何所見之不相謀。而  
相同若此歟。雖然。余蓋甚有愧于維節也。維節



才名十倍余。論者擬之天祿石渠間。維節夷然  
不屑。而余尚逐隊赴選。此以愧維節一矣。維節  
負經濟宏略。輒自嘆曰。吾才尚未老也。恨早第  
十年耳。借青氊片席。將爲大作厚事地。誠有合  
于古人吾斯未信。與有不爲後可有爲之旨。而  
余潦倒一城。操刀漫試。此以愧維節二矣。維節  
藏修匡廬。讀書養氣有年。故其學力如山。不可  
動。如淵。不可測。而余客氣未除。穎不安囊。鷄未  
成木。此以愧維節三矣。俾維節而大有所表見。

任事庶幾范文正氣節豈遜文文山而遽溘焉  
以逝焉維節其未可以歿也嗟乎悲哉其益以  
愧余之虛生也余向憂維節好飲而善病春初  
維節自閩分較返金陵道吉州不踰宿去特馳  
函慰余述其較士得士之槩云以見兩人聲氣  
之同余以節飲強飯勉就醫藥爲囑謂是友朋  
相戒愛恆情固應爾爾噫豈意與君作生歿辭  
耶維節絕意溫飽登賢書迄今家無十石麥所  
居不蔽風雨諸子煢煢在穉尚未見頭角以維



節○高○情○達○觀○其○不○介○然○于○此○宜○矣○獨○余○也○稱○肝  
膈○交○匏○繫○一○官○哭○不○慙○極○不○能○撫○諸○子○執○紼○前  
導○不○惟○愧○維○節○于○生○抑○且○愧○維○節○于○死○此○所○以○  
揮○淚○孺○子○之○芻○腹○痛○巨○卿○之○馬○而○不○能○已○已○者○  
也○

曇隱云維節真人品元心真友情尺幅中兩  
見之悲痛深至當令楓葉染丹

自狀文

楊廷楨

歲在戊辰楊子年三十二於茲矣。多病無賴。無有名譽。又無妻子。愴然朝露之溘至也。乃自爲狀。略述其概。庶幾當世之人感而弔之。雖歿之日。猶生之年。或未卽云沒爾。楊子者。伯通里人也。大父莊簡公。爲時名卿。父子澄先生。舉茂才。母侯氏。楊子性不甚敏。然而豁達大度。知自好。始名模。繼名楫。復更名楨。楊子喜曰。楨者貞也。吾自信坦易。誠然無欺。高尚其志。雖功名富貴。



弗易吾故。名何添焉。因名廷楨。字公幹。一字維  
周。別號五奇山人。方十齡。自稱僻生。嗟乎。可以  
觀其趣之所歸矣。少讀書。見古忠義如伯夷。屈  
原。蘇武。諸葛亮。陶潛。韓愈。蘓軾之徒。未嘗不留  
連涕泗。踴躍歌呼。不能自己。其得天者。然與厥  
形。蒼異。望若虬松。不衫不履。飄飄乎遺世之逸  
民。獨行之高士。所以心醉神怡。夢寐懷思。尤必  
曰。晉處士陶靖節先生也。至其爲文。貴真率。而  
賤華靡。詘幽異。而崇顯淺。自達性情。達厥世好。

年十九補博士弟子員而試輒不利固其宜也  
或曰公榦質任自然絕矜詭而存其真或曰蕭  
疎自賞文中之散聖乎嗟乎此哀憐之交遺其  
牝牡相其天機於孤愁落寞之中表而著之者  
也豈易得哉書法不摹倣前古率意爲之氣骨  
自適風致自遠興至或六七言乃至三四言得  
句狂吟不求卒章也由此觀之敏耶否耶倘所  
謂僻者非耶夫工巧飭智士習類然楊子不求  
名人亦鮮以名予之士之達觀者耶娶婦徐氏



孝謹令淑二年而終哭之慟未幾所生子復殤  
楊子遂寢疾動履乖錯瀕危而生父母幸之越  
四年乃卜賢如徐始繼焉姓湯氏又五年而湯  
氏復歿楊子曰吾蓋懼無後之不孝也故勉爲  
之新婦備德先後之間相得益彰今亡矣仰天  
呼奈何者不絕聲嗒焉似喪無涕無淚性固嗜  
酒日以痛飲爲事醉則垂首沉睡嚙嚙自語如  
吟韓致光哭花詞醒復飲飲復醉如是者殆不  
可得而藥焉嗟乎夷跽同歸彭殤齊致揚子曾

不一達觀而顏廢若此幾於滅性將無古人所  
云太上忘情其次不及情情鍾我輩固應爾耶  
抑世所謂具落寞之韻挾蕭疎之致者亦深情  
使然耶夫天畀人以中和之性喜怒哀樂要於  
中節苟爲不然夢夢而生夢夢而歿譬若蜉蝣  
天之全人者甚多也而萃其僻於一人何耶豈  
有情無情人自爲之天亦不能強耶嗟乎天不  
爲之哀而冀人之哀之人又莫之哀而自哀之  
庶乎讀是狀者知楊子之以僻故生而且以僻



故○歿○也○悲○夫○

按余舅氏未歿先數日里之人夢遊冥司○見  
戒儀仗勅車馬曰迎楊某也○又有得危疾者○  
郊外遇仙而瘳○後時時遇焉○三載前以赫號  
授之○命于巳巳四月二十七日送其家○果以  
先一夕逝○及視之無一字○惟圖記隱隱具存○  
嗚呼異矣○自是君身有仙骨○世人那得知其  
故○讀自狀文○至今見其風流高致也○

祭湘夫人文

有序

徐媛

洞庭之濱、瀟湘之浦、蒼梧帝子在焉、傷九疑而鄰雲夢、枕五湖而控三江、夫人係陶唐之帝子、虞舜之后、匹舜以巡幸而出、二妃不能從、憂收遺世、卽以玄宮寄之、予以蕪水之役、經茲大江、望彼川原、秀色靡麗、白雲霏霏、恍若帝子在焉、雙翼凌風、若與之游、舟楫星馳、因循而去、影耶霧耶、繪耶夢耶、了不自知、回首悵惘、遂成斯章、以祀之、其詞曰、



有羞列拱四酎餞瓊膏金液之觴。琳琅合徵八  
音奏皓露秋霜之曲。維月次無射之素辰。停橈  
江滸。瀝誠水心。涼陰媚節。鳴颺之氣。拂林蘭。鷁  
邀靈凌波之武斯。度願祈廸降瑤筵。寵臨祀位。  
乘迴風而登綺櫺。泛碧水而宴芳舟。於是翠葆  
前開。星驅之騎始發。丹軒駢聚。月羽之隊徐分。  
青童駕白虎之素塵。玉女引朝元之華使。左伴  
九河神女。右侍七夕天孫。率憑霄之奇鳥。袖青  
砂之珠塵。拊雲和之瑟鼓。碧琅之璈。赴節而歌。

日泛層波兮浮清流。結柔風兮倚桂舟。豈今夕  
兮與爾游。悵明辰兮隔山頭。更令婢子卿卿演  
幽蘭白雪之曲。而捧碧彩香螺之卮。進崑崙丹  
露之釀。爲上客壽。須臾入座。揚星眸而剪翠掃  
弓黛。而如張被五色曇花之裘。繫八寶水犀之  
帶。垂七蓮同心之步搖。履九珠合歡之鳳蹠。倚  
翠華之輪。妥紫玉之綬。湘靈與素娥。舉玉琯而  
吹太真與瑤姬。和霓裳而舞。觀漢上採真之神  
媼。顧堤邊拾翠之女郎。肴獻八海之錯饌。有江



芷之烹。顏旣醢而沉醉。樂已洽而日橫。命延車以輟宴。神悵惕而周張。經九州而涉蒙汜。入扶桑而去茫洋。騁羲和而上鰲頂。憑虹霓而謁東王。凍雨冷而起掉。遺疏麻以贈將。靈衣被被去還無閤之境。凝霧霏霏。不知其所將。

西華云擊空明兮訴流光。渺渺兮予懷。

中秋酌月詞

梁雲構

伏以蓐收肅令際秋色之平分挂影撐輪屬月  
華之正滿輝矚長夜歡徹清宵恭惟太陰星君  
陛下象昭四象明配代明似鏡如圭人間留望  
舒之號燒銀讓璧天上懸不夜之光靈藥嘗來  
控蟾蜍而光流海宇玉斧修後携杵日而霜搗  
清虛然金氣旺而皓魄愈晶玉鏡圓而清秋適  
半瓊樓玉宇高處直欲飛身銀漢金波澄宵正  
宜清賞伏念臣蘿陰借庇桂萼曾攀平時望娥



影○以○徘徊○此○夜○覩○玉○團○而○起○舞○汲○清○泉○而○爲○酌○  
恍○桂○醕○之○流○香○伏○願○分○輝○綺○戶○流○彩○雕○龍○滿○月○  
孕○珠○胎○父○生○子○子○生○孫○家○傳○桂○籍○旻○文○垂○清○盼○  
合○而○完○完○而○美○月○照○綸○扉○可○勝○歡○欣○舞○躍○之○至○  
曇○隱○云○月○中○有○騫○樹○食○其○葉○者○爲○玉○仙○身○洞○  
徹○如○水○精○琉○璃○此○殆○從○廣○寒○飛○墮○一○葉○

花神泣風詞

黃元會

清明前二日、搔首郊外、東風刺地、目不得給、歸而戲爲花神泣風詞、寒食既近、野芳幽逸、花黨無主、惡風斯客、香橫積翠之路、葉滿無言之蹊、百草偃伏、調刁異肌、于是花神前泣、其詞曰、降戴勝兮、和且祥、媚景春兮、流素香、嗟風皇之善妒兮、抑何狂、逐南國之容華兮、委東家之菲芳、合浦同心之萼兮、續紛投乎別墅、韓墓相思之子兮、辭故條而不侶、彼士女鬪勝于百草兮、賭



鳳凰之寶釵。飄香袖于空中兮。怨游侶之或非。  
五銖不附于玉肌兮。雜遺簪于墜鞶。羌若敖之  
餒鬼兮。詛禁火之子推。弔祭不至兮。無烟可吹。  
哭聲交入于笑謔兮。神惝恍而不醉。野老收白  
打之錢兮。宮嬪罷半仙之戲。願封姨其霽威兮。  
巽二繫以中停。願處士之年年兮。圖日月與五  
星。恭承嘉惠兮。爲雲雨于冥冥。

嬾僊云。孤臣逐客。愁士怨女。同此淒淒切切。

風晨雨夕。令人黯黯魂銷。

哀烈士辭

有序

黃淳耀

崇禎乙亥、賊起秦楚、轉掠廬州鳳陽之間、攻下  
城邑、火及陵寢、南畿大震、包將軍文達奉撫軍  
檄、偕統兵官四人進援安慶、兵械草草、人無鬪  
志、將軍知戰必敗、欲持重以待賊疲、而軍中爲  
間諜所誘、謂賊且四散、速進可收其貨寶、婦女、  
他將咸笑將軍爲怯、以逗撓責之、將軍不得已、  
亦進、賊伏兵發、官軍鳥獸散、或勸將軍跳身遁、  
將軍按劍叱之、矢盡援絕、遂力戰以死、將軍字



行甫其先江夏人以歿事世襲爲蘇州衛指揮同知遂家於吳云黃子曰將軍之歿非歿於賊也歿於他將之牽制也夫將軍未戰而先見敗形可謂知兵矣使專制而往未必不能滅賊也聞將軍事親孝居職勤慷慨固其天性非乾沒一戰而誤得歿節名者之比也友人金孝章傳將軍事甚悉余本孝章意作哀烈士辭一章志悼惜焉辭曰

嗟夫子之耿著兮竦長劒於戎行承乃祖之豐

烈兮。遭慷慨而自叩。流民橫潰兮。中土旼攘。赫簡書兮。肅我斧斨。我豈絕裾之人兮。訣老母而自傷。豺狼衙衙兮。驅之以市人。風塵瀕洞兮。天地不仁。處飛猱於櫺檻兮。雖捷巧其胡以陳。望陵樹之蕭慘兮。誠何有乎吾身。覽三軍之變態兮。抑又重夫持牢遷逡。巡以鴈行兮。徒衆口之囂囂。昔許歷之進諫兮。遇馬服而采焉。鬱周處之文武兮。徒見嗤於萬年。殷清血於左輪兮。貫白刃於右拳。遂摺頤折頸而畢命兮。餘怒氣。



之勃然夫豈危死之可懷兮知余生之陷滯也  
曰棄甲而遙復兮雖壽考其足愧也乘元氣以  
上狙兮履攏槍以爲碁扈千騎之容容兮逢厲  
鬼而揖之彼倏倏者如瞽之無相兮今皆在虜  
軍中吾欲使夫子擊賊兮想魂魄於鬼雄

不寐云蘊生風期駿烈每及君父義形于色  
文章其餘事也而經濟又不及見惜哉讀此  
足觀其一斑矣

祝織女

楊 徹 閨媛

維萬曆己未孟秋七日謹以清茗新菓之儀  
致獻于織女天孫之前曰金風乍起搖鳳珮  
之珊珊玉露初浮緩龍梭之擲擲一鈎新月  
河水凝波五漏長宵橋梁駕漢帶分週歲之  
遙鵲報雙星之會唧匆匆之別怨天上愁多  
敘欵欵之離情人間恨少風塵雖隔歲月焉  
窮願分頃刻良期暫駐須臾仙駕忻逢佳節  
賜纖巧于愚蒙少鑒微忱獻離騷于左右



南薰盡兮作涼。秋空高兮雁翔。瞻河漢兮西流。  
萬籟寂兮含商。月皎皎兮風淒淒。雲杳杳兮露晞。  
衆星爛兮錯落。獨牛女兮唏噓。天河淨兮無塵。  
秋波澄兮不興。覩鵲橋兮初駕。偷欲渡兮心驚。  
衣文彩兮雙鴛。飾金鳳兮玉環。錦繽紛兮長秋。  
涉天上兮飛仙。解瓊佩兮盤桓。恨離別兮經年。  
訴愁懷兮難罄。恆惆悵兮無言。甫相逢兮忽別。  
嗟一夕兮爲娛。水盈盈兮橫碧。望牽牛兮何期。  
素杼兮錦机。青縑兮綠絲。聲軋軋兮鳴不絕。錦

衾成兮當爲誰。

嬾仙云蜀紙麝煤添筆。媚越甌犀液發茶香。



今本全書

宣廟寘漆器歌

金聲

歐羅巴鏡遠有闕。闕月輪裏隆窪奇。世人目懾其光景。日月平受山河影。宣廟寘漆器如然。初形以瑯後色寘。堆寘粉拏但一片。襲磨施之色形見。月華星彩日暈殊。亦將混合亦分區。人工化工二俱有。百年收藏長在手。奴驅倭漆兄剔紅。請爲宣皇記考工。

懶仙云正希時。裁家絃戶誦其古業如吉光片羽不輕落人間。今英風勁節凜凜如生讀。



此不減文山墨灑天奎映籀紅諸奇句竝傳

募結淨廬疏

韓敬

修微王姬者彤管文人綺羅高士青蓮出淖濯  
根太華峰巔朱霞在空映彩赤城雲外曹大家  
之續史衛夫人之善書一束蘭心嘗傍冰崖雪  
谷五枝燈派能參露柱風旛偶飲裴漿遂騎秦  
鳳春山不盡長齋繡佛之前秋葉獨箋花雨鬢  
持之室蝶鄉夢覺已悟三生鴛譜名消方超八  
界明星作祿不着留仙之裙金縷如銖欲試遠  
遊之履因陳情於將女獲堅志于買山百尺樓



頭○惟○見○碧○天○無○際○千○株○桃○下○憑○教○玉○洞○長○關○鬚○  
眉○豈○必○宗○雷○閨○閣○自○有○邢○尹○袞○裳○罩○處○擬○邀○靈○  
照○之○東○釵○釧○聽○來○不○在○羊○權○之○宅○先○營○繕○築○更○  
樹○金○湯○却○嘉○賓○之○勝○事○可○尋○魚○玄○機○之○往○蹟○非○  
比○必○使○孤○山○雪○後○加○倍○精○神○且○令○西○子○奩○中○洗○  
空○粉○黛○結○廬○雖○在○人○境○入○山○唯○恐○不○深○既○許○參○  
景○中○之○禪○慎○莫○猜○折○後○之○柳○所○願○西○池○舊○侶○南○  
岳○新○盟○共○掃○癡○慳○樂○觀○緣○起○庶○幾○瓊○花○落○後○猶○  
藉○明○茵○飛○絮○粘○來○仍○歸○淨○土○團○焦○如○笠○便○同○毛○

女之壇。松栢爲膏。易換金仙之骨。無虛佳話。不  
日成之。

懶僊云。慈悲筏濟人出相思海。恩愛梯接人  
下離恨天。求仲爲修微指出情禪種子。得無  
犯綺語戒耶。





募裝佛疏

倪元路

有土木一軀。可金碧而旃檀之者。僧照文遂發  
一愿。而因演布施波羅義。扣衆生橐中之有。夫  
軀。佛以土木。猶其軀人。以血肉也。而衆生于其  
橐中有者。不啻生箝死護。殆鰓鰓以營其良田  
美宅。歌兒舞女。肥酒大肉。奉此血肉之軀。之不  
暇。而奉彼土木者。爲雖然。衆生現佛相。佛現衆  
生相。衆生卽一種血肉。佛合享世間良田美宅  
歌兒舞女。肥酒大肉之奉佛。卽一種土木。衆生



合○享○世○間○金○碧○丹○檀○之○奉○同○譜○共○胚○供○養○法○應○  
平○等○且○捐○其○百○千○鉅○萬○于○彼○而○擲○鎔○鉢○于○此○抖○  
紙○角○之○微○星○削○厨○頭○之○片○糝○足○以○了○件○庸○詎○土○  
木○肥○而○血○肉○癰○乎○照○文○上○人○以○布○施○說○法○借○彼○  
一○鎔○一○鉢○爲○衆○生○拔○去○慳○根○證○圓○佛○性○將○舉○一○  
切○血○囊○肉○袋○盡○金○碧○而○旃○檀○之○此○其○愿○甚○弘○不○  
可○與○衆○生○言○也○

懶仙云○人世血囊肉袋○都成土木形骸○却被  
裝塑者證成佛性○鴻寶先生一筆點破○

募建觀音閣疏

陳弘緒

距省百八十里爲吳城鎮。鎮之山麓有亭焉。爲望湖亭。鄱湖之水匯於其下。漕艘官舫賈舶商艇往來無虛日。亭有張令公廟焉。鎮之士民與四方往來之侶。屠豕刲羊以禱祠者踵相接也。廟祝皆髡髮之流。其徒定週以爲有鬼神之宇。而無浮屠之宮。於其教爲大悖。遂建庵於廟之後。而祀佛像於其中焉。而又以爲觀音大士。尤浮屠之所最尊奉者。有佛像而無大士之宮。於

○先○說○明○正○意



其教亦爲缺典復謀建大士閣於廟之側而屬  
予爲之募疏予考令公廟者張睢陽血食之所  
也睢陽在宋亦嘗封公封景佑真君矣然無所  
謂令公之號令公之號出於村野之謬稱祀典  
所不載也睢陽生於鄧州之南陽而歿節於河  
南之歸德祠睢陽者當在大河之南江淮之北  
其於吾豫章固非降生之地而亦非歿節之鄉  
且考其宦遊與其旅寓皆於吾豫章無與焉吾  
豫章無故而廟祀之也何與正直之神不享非

禮之祭。吾豫章無故而廟祀之。而神亦無故鑒  
享之。以著靈於茲土。又何與我知之矣。鄱湖之  
浸。西南之大澤焉。管人所謂控蠻荆而引甌越。  
天下用武之處也。其破浪而至。冒險而來者。豈  
盡皆忠臣義士。偉人傑夫。無亦有盜賊之徒。與  
夫潛奸隱慝之輩。陰以窺伺於其間。於是建睢  
陽之廟於茲土。而假其忠烈之魂。以攝其叵測  
之念。然則其廟貌之立也。無故而祀之。而不爲  
無意。無故而享之。而不爲無功。至於浮屠之宮。



與夫大士之閣一難通都大邑所在而有之卽偶缺  
於茲土亦未爲祀典之廢而其徒旣以爲其教  
不可以不存則又當別擇基之亢爽山之寬衍  
者又一難構立浮屠之居奉如來與大士之像朝夕讚  
嘆禮拜焉而以廟祝屬之村民羽流亦何不可  
乃旣建庵於廟垣之內而復建大士之閣以與  
睢陽竝列其合之不倫而祭之非禮豈非尤屬  
無故者與徒知其教之不可以不存而不知乎  
鬼神之不可雜居而混處也亦已過矣雖然天

下承平。四方無事。鄱湖之浸。晉時誇爲用武之處者。今皆化而爲漁歌。出沒遊伎。臨觀之區。凡漕艘官舫。賈舶商艇。破浪而至。冒險而來。皆得落帆停棹。相與徙倚。謳吟群爲樂事。無復有陰爲窺伺者。出於其時。以生川澤之擾。此雖忠烈之魂。默爲匡佑。夫亦釋氏之教。扶昌明之運而贊。帝王之化。有不可誣者。且也。觀音大士以

雪捲

縛鈴解鈴風迴



之謀亦未爲無見。事有無故而興。而理有可從者。君子亦樂從之。於是書以告夫好義而喜施者。

顓仙云。王鳳洲先生每贊昌黎文。議論反覆。條理詳盡。一代醇儒。茲篇隨詰隨解。好辨之士。何處增一難端。卽置韓集中。亦莫可識別。

炒豆及腐頌

鄭以偉

五百童子○威儀俱足○南山箕落○偕其眷屬○參鐵  
祖師○受大煨煉○聞鼓塗毒○爆地一聲○莢脫行熟○  
各各堅圓○袒臂左肩○再參鹽官○味無中邊○大海  
鹹性○具此因緣○轉過淨瓶○香其有飴○鄭子舌觀○  
如波羅蜜○粥來飴去○禪悅第一○齒牙齧齧○如嚼  
龍蝨○只管果然○名曰幽豉○前身非馬○而何酷嗜○  
免彼旁生○細嚙大截○資伊蒲食○作清淨供○投胎  
淮南○塏成無縫○季布摧剛○腐儒軟俸○願於晚年○



夕殮朝饗解五陰結不妨珍重○可怪坡仙猪頭

肉頌○

字書齧音確鼓稱幽未造之於幽暗也本草豆散五藏結久食令身重

懶仙云香積厨中青晶胡麻餅也○色聲臭味種種具足○未許旁門領會○



寒夜擁鑪見餅梅冰凍而枯因戲作下火

偈

范允臨

寒勒銅餅凍未開。南枝春斷不歸來。這回勿入  
梨雲夢。却把芳心作死灰。恭惟地鑪處士梅公  
之靈。生自羅浮。派分庾嶺。形若槁木。稜稜山澤  
之臞。膚如凝脂。凜凜雪霜之操。春魁占百花頭  
上。歲寒居三友圖中。玉堂茅舍。總無心。金鼎商  
羹。期結果。不料道人見挽。便離有色之根。夫何  
冰氏相凌。遽返華胥之國。玉骨擁鑪。烘不醒。冰



魂○剪○紙○竟○難○招○紙○帳○夜○長○猶○作○尋○香○之○夢○筠○窗○  
月○淡○尚○疑○弄○影○之○時○雖○宋○廣○平○鐵○石○心○腸○忘○情○  
未○得○使○華○光○老○丹○青○手○段○摸○索○難○真○却○愁○零○落○  
一○枝○春○好○與○茶○毗○三○昧○火○惜○花○君○子○還○道○這○一○  
點○香○魂○今○在○何○處○唼○爛○然○不○逐○東○風○散○只○在○孤○  
山○水○月○中○

懶仙云○疎影橫斜○暗香浮動○



